

# Gut Bai God Bles Sevese

# Wantok

Namba 432 — 28 Ogas Inap 4 Septemba, 1962

20t



**SEVESE MOREA, OLPELA SPIKA BILONG PALAMEN, I DAI STORI NA POTO - PES 16**



**Ayo mama!!! Mi gat laik ya! Em ol meri Waikiki o wanem? Maski sek, em ol Vokesenel skulmeri long Mosbi yet. Ol i bung na resis long Spot Kanival bilong olgeta Vokesenel Senta insait long Mosbi las wik.**

**Vokesenel So De pes 3**



**Ol Aiya Nesenel Haiskul i go long opim nupela long pilai bilong Raun Raun Tieta Kampani long Goroka. Stat long Ogas 9 - Ogas 15 planti man i kamap na amamas wantaim Raun Raun Tieta grup.**

**Raun Raun Tieta pes 5**



# N.P.F.B Investim Pinis K6 milion

## TOK SAVE NAU LONG PABLIK

Moa long wanpela yia bihain long Nesenel Providen Fan i stat long mekim wok bilong en, planti pipel i no save yet sapos mani bilong ol i go long helpim gavman o i bilong helpim ol.

Dairekta bilong dispela fan i tok em i no inap long autim tok long we ol i investim dispela mani. Em i tok ol investim mani long Gavman Sekyuriti na long ol arapela beng. Dispela invesmen bai helpim ol pipel husat i baim takis long NPF o i bilong helpim gavman?

Long mun Jun, NPF i tok bai ol i tok save long pablik long mun Ogas. Na nau direkta i tok bai em i no inap long autim tok.

Ol pipel husat i baim dispela takis i save long we mani bilong ol i go. Na ol i wet tu long NPF i tok save long wan wan man long hamas mani ol i gat nau long NPF.

Mipela i wet tasol long ol bosman i tok save.



Dairekta bilong Nesenel Providen Fan, Ezekiel Brown.

**NESENEL Providen Fan Bod i investim pinis K6 milion, em ol wokman na memba bilong dispela fan, i putim long han bilong ol.**

Nesenel Providen

Fan Bod (NPFB) i bin wetim nesenel gavman inap long wanpela yia olgeta long givim tok orait long ol long investim dispela mani. Dairekta bilong NPFB, Mista Ezekiel Brown i tok, "Mipela i bihainim lo bilong

Papua Niugini na mipela i putim olgeta investmen insait long kantri. Tasol mipela i no putim dispela K6 milion long wanpela beng tasol. Mipela i brukim dispela mani long tupela hap.

"Wanpela hap, i go long Beng Ov PNG olsem Gavman Sekyuriti Invesmen. Na arapela hap i go long ol beng olsem ANZ Beng, PNGBC na Beng Ov NSW. Samting olsem K3.9 milion o 65 pesen bilong dispela K6 milion i go long Beng Ov PNG. Na 35 pesen o samting olsem K2.1 milion i go long ol arapela beng."

Nesenel Providen Fan Bot i stat taim palamen i tok orait long en long Jun 27 1980. Na nau long dispela

taim, NPFB i gat man long 40,000 (40,taunsen) memba. I gat 46 wokman olgeta long opis bilong ol.

Mista Ezekiel Brown i tok, "Long olgeta mun, moa long K570,000 (570 tausen) i save kam long ol memba. Na mipela i amamas tru long dispela. Mipela i pilim olsem ol pipel, husat kamap memba insait long NPFB, i tingting long gutpela sindaun bilong ol bihain. Dispela mani i ken helpim ol taim ol i no inap long wok moa."

Tasol ol man husat i givim mani long NPFB long lukautim i gat wanpela bikpela wari. Planti man husat i givim pinis mani, i no inap long painim wok moa. Olsem ol i save go

bek long NPFB na kisim bek mani bilong ol.

Ezekiel i tok, "Mipela i no wari tumas long ol man i kisim bek mani bilong ol. Long wanem, ol i no inap long painim wok. Tasol mipela i tingting long sindaun bilong ol bihain. NPFB i no inap long helpim ol moa. Long wanem, ol i no wok na i no inap long kamap memba.

"NPFB i laik helpim ol man husat i laik helpim ol yet. Em i laik givim helpim long ol long taim ol i laikim haus long sindaun. Na tu, sapos ol man i bagarap, bai NPFB i ken helpim ol long kisim bodi i go bek long ples bilong ol. Dispela em i bikpela tingting bilong NPFB."

## Ais Long Wes Irian

25 pipel i bin dai pinis long Wes Irian. Em i taim bilong san na ol gaden bilong ol i bagarap. I gat arapela 10-pela

man tu i bin dai pinis long taim ais i bagarapim ples bilong ol.

Dispela ol bagarap i kamap long hap bilong Sentral Hailans long

Jayawijaya. Na dispela em i bikpela bagarap moa long ol arapela bagarap long planti yia. Ol manmeri i save raun long bus long painim kaikai.

Inap olsem 30 arapela manmeri i bin go long haus sik long taim ol i sot long wara. Wanpela niuspepa bilong Indonesia, "Ray Of Hope" i tokaut long dispela i tok long 10,000 pipel i kisim taim nogut long dispela taim bilong sot long wara. Na 6-pela viles i bagarap olgeta. Long Kuyuwagay distrik moa long 750 hekta plantesin i bagarap.

Niuspepa i tok tu olsem, "Ol marasin na kaikai i bin kamap pinis long ol dispela ples we bagarap i kamap. Tasol Pater Dimara, wanpela pris long dispela hap i tok, em i pret olsem planti manmeri bai wok long dai yet.

Nau long dispela taim yet man i bin gavana bilong Irian Jaya bipo, Brigadia Jeneral ACUB ZAE-NAL i tok olsem, Irian Jaya i mas bruk na kamap olsem tupela provins. Em i tok, dispela we bai wok bilong gavman kisim gut olgeta pipel.

## Meri Painim Birua



Sairi John bilong Tapara viles long Moveave, Galp Provins i bin dai bihain long busnaip i katim lek bilong em. Dispela birua i kamap long Fonde 19 Ogas long Brown Riva klostu long Mosbi. Man bilong em John Mai i sindaun holim han bilong em i stap.



### INVESTMENT CORPORATION OF PAPUA NEW GUINEA

SEA PRAIS OGAS 1982 (Prais bilong sea wantaim fi mani)	
50 sea	K 47.00
100 sea	K 94.00
150 sea	K 141.00
200 sea	K 188.00
250 sea	K 235.00
300 sea	K 282.00

Wok bilong salim na baim bek ol sea bilong dispela fan i bihainim tasol ol toktok i stap insait long Prospektus Prais bilong wan wan sea long Ogas em i K0.94. Husat i laik save long prais bilong baim bek ol sea i ken rait i kam na askim mipela. Plis salim wanpela Prospektus buk bilong yupela i kam long me.

**TO: INVESMEN KOPRESEN, P.O. BOX 155, POT MOSBI.**

NEM .....

ADRES .....

### WANTOK NIUSPEPA

Nius i kamap 52 taim long yia nau.

Opis bilong Edita na Edvetaising long P.N.G.  
P.O. Box 1982, Borko  
Telepon : 252500 Teleks. NE 22213  
Edvetaising - Ph : 25 2304

LAE  
Telepon - 42 2516

PE BILONG WANPELA YIA, 52 NIUSPEPA

Ples	Air	Surface
Port Moresby	-	K 13.52
Rest of PNG	K 26.00	K 26.00
Australia & Solomons Is	A\$ 65.70	A\$ 44.42
NZ & Pacific Island	US\$ 85.80	US\$ 50.00
America & Europe	US\$ 132.60	US\$ 66.30

## TAMBU TORO

"Toro i go long Boroko netball graun long lukim ol meri pilai long gren painal."

"Em i lukim ol meri na aigris i stap."

"Em i harim planti meri singaut na kolim nem"

KAMON SUSIE!

"Toro i harim na em tu i hatim nau."

YU TU YA! YU NO LAIK KAMAUTIM DISPELA STON?

"Ol meri i belhat na kirap raunim Toro i goaut." Wanpela i paitim em long bal.



# Vokesenel Skul So De



*Ol meri i glasim ol liklik dres em ol yangpela meri long Limana Vokesenel Senta i samapim.*

**LONG Fraide 20 Ogas, 6-pela Vokesenel skul long Mosbi i bin wokim na mba wan so bilong ol.**

Ol i wokim dispela so ya long Tabari Ples, Boroko. Dispela so i stat long Fraide na pinis long Sarere.

Ol Vokesenel Senta husat i bin kamap na soim ol samting em, Kavari, Limana, Lions Morata, Makana, Badili na Koki Vokesenel Senta. Long tupela mun olgeta ol i wok hat tru long kamapim dispela de. Maus man bilong ol

Fred Cayago na bosman bilong Lions Morata Vokesenel Senta i tok, "As bilong dispela so, em long soim olgeta manmeri insait long Mosbi, wanem ol kain samting, ol Vokesenel Senta i save wokim."

Long dispela de, planti ol kain kain samting i bin kamap. Olsem ol studen meri bilong Limana na Badili i bin hatim stret tumbuna singsing na danis. Na ol studen man bilong Makana i bin wokim save long pilai stringben.

We bilong wokim

plaua basket, samapim klos laplap, wok kamda, mekim wok mekenik, na we bilong kukim kain kain kaikai, ol i bin soim tu.

Ol i wokim tu ol bilum, plaua basket, sia, tebol na planti ol arapela kain kain samting na ol i kisim kam salim. Dispela so i bin soim planti samting tru long ol papa-mama na ol pipel bilong Mosbi. Na ol yangpela manmeri husat i save stap nating long Mosbi, ol i ken lukim na save olsem. Maski, haiskul em samting nating.

Ples we ol i ken skul long wokim planti samting em long Vokesenel Senta. Planti ol studen i stap long dispela Vokesenel Senta i bin amamas tru long soim ol samting, ol i bin wokim long dispela de.

Taim ol i putim dispela so, ol i no lusim mani long en. Bilong wanem so ya em i bilong soim ol samting ol i save wokim. Na ol manmeri i ken baim sampela samting ol i wokim.

Lions Morata yet i bin kisim K300 long salim sakol stov na ol plaua basket bilong ol. Na Limana Vokesenel Senta tu i bin kisim K300 long ol samting ol i bin salim.

Olgeta Vokesenel Senta i bin amamas tru. Na ol i tok, "Long wankain taim long neks yia, bai ol i putim wanpela so gen."

• Weleta Warare



*Ol meri long Badili Vokesenel Senta i wok long mekim save long wokim ol rop basket bilong putim plaua. Ating pren ya i lukluk long ol basket ya o long narapela samting.*



*San i hat stret long Boroko tasol ol meri long Badili Vokesenel Skul i no wari. Ol i hatim stret na sakim purpur bilong ol i go kam.*



*Ol studen bilong Koki Vokesenel Skul i bin mekim bikipela nois tru. Long wanem ol i kam wantaim ol so, hama na arapela samting bilong wok kamda na hatim wok i stap.*



*Ol studen bilong Makana i salim ol sof dring na bret i stap. Na yu ting olsem wanem? Planti man husat i kamap long dispela so, i les long go long stua na i mekim save long baim dring bilong ol.*



# Ol Stail Basket Murik



Basket Murik i gat stail bilong en stret.

OL Murik i gat biknem long olgeta hap nambis bilong Niugini long ol basket Murik bilong ol.

Olgeta meri Murik i save skul long mama bilong ol long wokim ol basket Murik. Tasol ol basket Murik yu lukim long maket bilong Wewak na Angoram na Madang, ol i basket nating. Ol i no gat wanpela spesel disain o mak long ol.

Basket Murik tru em i gat mak bilong wan wan biklain na wan wan bikfamili. Dispela mak

o disain em i bilong dispela lain pipel stret. Na i tambu long ol arapela lain i bihainim em. Na tu i tambu long man o meri bilong narapela lain i bihainim em. Na tu i tambu long man o meri bilong narapela lain i ken karim nabaut basket Murik i no gat disain bilong famili bilong em.

Ol mama i skulim ol yangpela meri long wokim mak bilong lain bilon ol. Ol lapun mama tasol inap long wokim sa-npela nupela mak. Na meri i marit, em i ken wokim tu ol mak bilong famili na

lain bilong man bilong em.

Ol basket Murik i stap long maket ol i gat mak nating. Sapos meri i salim wanpela basket i gat spesel mak, ol turis i ken baim bilong hangamapim olsem bilas tasol. Tasol i tambu long ol i ken karkarim nabaut na bihainim mak bilong em.

Dispela pasin bilong ol Murik i wankain olsem pasin bilong kantri Skotland. Hia wan wan lain pipel i gat blanket na sket na klos i gat mak bilong lain bilong ol stret. Kain mak olsem ol i kolim "tartan."

Na long kantri Austria long Yurop ol meri bilong wanpela viles o taun o ples, ol i save pasim sket na blaus i gat spesel kala na makmak bilong dispela ples stret. Sapos yu lukim ol, wantu yu ken save ol i kam long wanem hap. Olsem tasol long ol Murik basket tu. Long Murik yet wan wan stail bilong wan wan lain i gat spesel nem bilong em stret.

I gat sampela smolpela basket Murik. Ol i spesel na i gat lo bilong

karim ol nabaut. I gat wanpela liklik basket, em i bilong man stret. Em man o boi i bin wokim pati pinis bilong tenkyu long mama bilong em, long wanem, mama i bin karim em na i bin mekim bikpela long em. Boi o man i bekim olsem long mama bilong em, em i save kisim dispela spesel presen long mama. Ol pipel i ken lukim em i karim nabaut dispela liklik basket, na ol i ken amamas long en. Dispela basket i soim, em i

wanpela gutpela man i save amamas na tenkyu long papamama bilong em.

Ol meri i save wokim ol basket Murik long wanpela longpela raunpela gras i save kamap long ol ples tais. Ol i save mekim drai long san na i save pentim long olkain kala i kam long rop diwai na long ol pikinini bilong diwai.

Ol meri Murik i no save sindaun nating. Nogat tru. Oltaim ol-

taim han na pinga bilong ol i mas wok. Maski ol i kaikai buai, maski ol i skrapim tok, maski ol i stap long haus sik o long haus karim - oltaim pinga bilong ol i samapim ol basket Murik. Ol i mas wok sampela de bilong pinisim wanpela basket.

Dispela em i wanpela bikpela we bilong winim mani bilong baim kaikai. Long wanem, Murik i no gat gaden olgeta. I gat abus bilong solwara tasol.

•Frank Mihalic



Tupela meri bilong Wokamut (Murik) i sindaun samapim ol basket Murik.

# Sospen Long Tumleo

TUMLEO em i wanpela ailan klostu long Aitape long Wes Sepik. Em i smolpela ailan na i gat biknem bilong tupela samting.

Long taim bilong ol tumbuna i kamap nau, ol meri Tumleo i save

wokim ol gutpela sospen graun. Bipo bipo yet bikpela kanu bilong ol i sel i go raun ol ailan na inap long Murik yet. Ol i senisim ol dispela sospen na ol i baim brus na saksak.

Meri long poto em Namchu Klara. Em i

marit long Tumleo na i bihainim pasin bilong ol meri Tumleo long wokim sospen. Ol i save kisim graun long liklik maunten bilong Tumleo na tanim wantaim liklik wesan. I gat tupela kain graun. Meri i save sivim gut pastaim

bai no gat ston olgeta. Nau meri i kisim hap graun ya na i wokim wanpela longpela sosis. Nau em i tantanim nabaut na i wokim wanpela raunpela bokis. Nau meri i holim wanpela raunpela ston long lephan. Sais bilong ston

inap long wanpela sop smel bilong waswas. Na long raithan em i holim wanpela liklik stik i luk olsem hap bilong banara. Taim meri i raunim ston insait long sospen, long ausait em i paitim em long dispela stik. Nau sospen i kamap raun tru. Em i no gat wanpela wil bilong tantanim sospen, olsem ol i save yusim long ol faktori bilong wokim ol sospen na plet samting. Nogat.

Ol sospen Tumleo i strongpela na i nais. Tasol ol i no gat planti bilas. Yu inap putim ol stret long paia na kukim ol samting.

Tumleo Ailan i gat biknem tu long Katolik Misin i bin stat hia long yia 1896. Meri long poto, em Klara Namchu, em i save pinis long ol.

Klara em i no bilong Tumleo Ailan tru. Em i bilong liklik ailan Rabuin. Taim em i liklik meri yet, Klara i bin go long banis bilong ol Sista long Wirui Wewak. Em i save tingting yet long wanpela Sista Dolorasia i bin skulim em inap tupela yia. Tasol Klara i pait wantaim ol Sista na olsem ol i putim em long sip Gabriel na salim em i go wok na skul wantaim ol

Sista long Sek inap long wan yia hap. Bihain em i kam bek long Tumleo wantaim ol Sista.

Long Tumleo em i maritim Anton Moskanjun na tupela i gat 5-pela pikinini. Wanpela, nem bilong em Josef Awu, em i kiap long Jamantaim yet. Na narapela, em Abu Wech, em i plismasta.

Wantok ripota i painim lapun Klara long ples Yagoi, klostu long Aitape. Ol Tumleo i gat bikpela hap graun hia bilong groim ol gaden na kokonas na lain saksak bilong ol. Long Ailan Tumleo yet i no gat inap gutpela graun. Tasol em i nambawan



ples tru bilong painim olkain pis.

Yagoi em tu i ples bilong provinsal Wes Sepik memba bilong palamen. Em Mista Karl Stack. Em i maritim Fransiska, wanpela meri Tumleo. Na famili bilong tupela i stap long Yagoi yet..

## Sumkar Ileksen

WANPELA wik moa i stap, pas-taim long ileksen long Sumkar open ilektoret long Madang provins i pinis. Long 4 klok apinun long Sarere, 4 Septembba bai vot i pinis. Na long 6 klok nait bai ol i stat long kaunim ol vot.

Provinsal Retening Opisa long Madang,

Allan Jonathan i tok em i amamas tru long ol wok i ran gut tru.

I gat 5-pela kendidets olgeta i sanap long dispela ilektret. James Saleng Mileng, Independen - Toby Ganai - Independen. Kare Maor - Pangu, Sop Bubon - Pipels Progres Pati na Abanam Wadua - Independen Pro Pangu.



Klara Wamchu bilong Yagoi viles long Sindaun Provins i wokim sospen Tumleo.



# Nupela Haus Bilong Raun Raun Tieta



Planti manmeri i pulap tru long taim Praim Minista, Michael Somare i opim haus bilong Raun Raun tieta.

**KAKARUK** i singaut. Ol pisin i singsing na tulait i bruk long ol sait bilong maunten. Lait bilong san i wok long kamap isi namel long ol diwai. Ol manmeri na enimal tu i kirap long slip bilong ol. Tulait pinis.

Dispela em wanpela musik konsert ol studen bilong Aiyura Nesanel Haiskul i bin wokim long taim ol i opim ol nupela haus bilong Raun Raun Tieta Kampani long Goroka. Nem bilong dispela konsert em "Singsing Driman" na "Singsing Pawa."

Praim Minista, Michael Somare i bin opim dispela bikpela haus bilong Raun Raun Tieta long Sande, 15 Ogas. Planti arapela tieta

grup long PNG i bin long Goroka, we Raun Raun Tieta Haus i stap. Na wan wik olgeta ol i wokim ol konsert inap long taim Praim Minista i kamap na opim. Dispela nupela haus i stap klostu long Goroka maket.

Dua Dua grup bilong Lae i bin wokim konsert ol i kolim "Pupusara." Dispela pilai i bihainim stori bilong tumbuna i kam long hap bilong Garaina, long Morobe Provins.

Ol lain bilong Raun Raun Tieta yet i bin tilim buai i go long ol pipel husat i go lukluk long ol pilai i kamap.

Raun Isi Tieta Kampani bilong Wewak, Madang Kalsa Grup, Mosbi Nesanel Tieta Kampani i bin wokim kain kain konsert na singsing bilong ol.

Wanpela lain Aborijin grup bilong Anham Len long Australia, i bin kam stap tu long dispela wok. I gat 6-pela man bilong singsing, wanpela bilong winim longpela mambu bilong ol, ol i kolim ditjridu.

Ol i lusim ples na kam longwe tru long Goroka. Tasol krai bilong musik bilong ol i makim krai bilong ol liklik diwai, enimal na masalai long hap bilong ol.

Musik na kain kain nois bilong ol yangpela manmeri i stap insait long ol pilai i gat stori bilong en yet. Tulait i bruk, ol pipel i wok, wara i ran long graun. Dispela em stori bilong graun.

Ol saveman i raitim stori na bihain ol i tanim long musik. Na taim i krai na toktok i

kamap wantaim musik ol lain bilong Raun Raun Tieta tu i skruim stail bilong ol wantaim na singsing i kamap moa yet. Tasol husat man i no save tumas long bihainim dispela kain nupela pilai pasin i go sindaun lukluk bai i no inap amamas tumas na bihainim stori tu.

Planti ol pipel i amamas long lukim ol fani pilai. Na tu ol i save laikim stori i isi tru long bihainim. Ol i les long lukim ol dispela stori bilong ples ol tanim i go narakain wantaim musik, na kala lait bilong ol waitman.

Dispela nupela haus i kos moa long K170,000 (1 handret 70 tausen).

Ol i stat long wokim dispela haus long begin bilong yia 1980. I nogat mani i kam long nesanel

pablik ekspensisa plen long helpim dispela projek. Olsem na Raun Raun Tieta kampani yet i painim mani. Planti taim ol yet i wokim konsert na ol i bungim K36,000 olgeta. Nesanel Gavman i givim ol K43,000. Na K18,000 i kam long Isten Hailans provinsal gavman. Nesanel Kalsaral i givim ol K17,000

Pot Mosbi Ats Kaunsil K14,600 na narapela K12,400 ol yet i painim.

Raun Raun Tieta i bin stat long 1975. Long dispela taim em i wanpela liklik grup tasol. Na nau em i bikpela kalsa tieta grup tru.

Lon Murphy bilong Ferrigloo kampani i bin

go pas long wok bilong kirapim ol haus. Planti taim em i nogat mani tru long mekim dispela haus. Na em i save wok fultaim wantaim sampela man bilong Marawaka, husat i nogat bikpela save tumas long wok kamda. Tasol ol i pinisim wok long dispela haus bilong Raun Raun Tieta insait long tupela yia.



Ol lain Aborijin bilong Anham Len long Australia i katim lewa bilong ol pipel long Goroka.



Raho Dinena bilong Aiyura Nesanel Haiskul i hatim i stap long taim ol i wokim konsert bilong ol.



Ol singsing bilong ples tu i bin kamap. Ol lain bilong Marawaka i hatim singsing i stap.



Dua Dua tieta Grup bilong Lae i wokim konsert bilong i stap long Goroka.



# RAUSIM OL SEPIK

Dia Edita - Mi laik tok egensim brata ya, Yoanes Ararua long Wantok Niuspepa namba 427.

Yes brata yu tok long rausim ol Sepik i go bek long ples bilong ol.

Brata, ating yu mas tingting gut na yu tok tok long rausim ol Sepik pipel. Man, ol i no mekim wanpela samting rong long yu na yu tok long rausim ol nating. Ating yu wari long ol tasol.

Madang provins i pulap long olgeta Sepik manmeri husat i save wokmani. Na sampela i wokim kaving bilong ol na salim na kisim mani bilong baim takis bilong kaunsil. Na ol i baim ol blok na ol i stap. Ol i no sindaun nating o slip nating.

Sapos yu tok long rausim ol man i no gat wok em isi tru long ol plis i ken helpim yu. Ol i stap nating na mekim kamap planti trabel.

Olsem na brata, ating yu mas tingting

gut pastaim na yu tok tok. No ken daunim nem bilong ol Sepik. Ating bikos ol i kamapim planti bisnis na winim yupela ol asples olsem na yu kros.

Ellice Gabie, Madang.

# DAUNIM PRAIS

Dia Edita - Mi laik tok save long ol pren na bikman tu, bilong PNG. Nau mi stap long Not Solomon Provins na mi raitim dispela pas.

Mi laik save wanem mun o yia bai yupela daunim prais bilong balus. Long 1981 mi lukim long Wantok Nius na ol i tok long 1982 bai ol i daunim

prais bilong balus.

Mi wanpela manki bilong Sepik na mi stap longwe long provins bilong mi. Bai mi baim tiket long K215 long Kieta na i go long Wewak. Plis, kain mani olsem mi pilim i bikpela tumas. I no long mi tasol, planti man na meri long ol arapela provins tu i pilim wan-kain.

Yu man o meri yu kisim hai posisen long wok em bai orait long yu. Mipela ol man i wok olsem leba, kamda na plama, K60 o K70 mipela i save kisim i no inap. Sapos yu man i marit bai yu pilim hat tru long go long ples long holide.

Felix P. Takonigi, Wewak, ESP.

# OL WOK MANMERI I NO WOK STRET

Dia Edita - Taim bilong wok, mi save lukim planti ol wok manmeri i save raun na bung wantaim na stori. Na i no tingting long toktok long ol man husat i kam long opis.

Yes mi tok long ol sampela tasol. Ol man na meri i kam tu long baim samting long stua tu i save painim dispela hevi. Ol i save kam na sanap na wetim ol man husat i wok long stua.

Sampela samting i gat sem long mekim. Olsem long singaut long ol stuakipa i kam na givim samting long ol man husat i laik baim.

Dispela samting i no stret. Wok bilong ol em long sanap long kaunta o masin i stap na wetim ol kastoma. Mi save lukim dispela pasin na mi no ting em i stret liklik.

Long Madang ol i save go raun na kaikai buai na stori long ol wantok bilong ol. Tarangu sapos yu laik baim samting yu mas wet liklik inap ol i pinisim tok gris bilong ol na kam long givim yu samting yu laik baim. Sapos yu husat man



o meri i laik bekim pas bilong mi bai mi amamas tasol long lukim long Wantok Niuspepa. Long wanem mi save

singaut long ol wokman bilong stua na mi les pinis.

Yes mi kros tru long dispela pasin. I no gutpela tumas long mi toktok long dispela. Tasol sapos mi no toktok bai dispela pasin bilong ol stua manmeri bai i no inap pinis.

Joe Buma, Madang.

# WATPO YUPELA RAUSIM OKUK?

Dia Edita - Mi laik bekim pas bilong brata hia, Bail Lahiran, i bin kamap long Wantok Niuspepa long Julai 13.

Em i askim watpo yupela i rausim Okuk. Yes brata, mi laik tokim yu olsem. Mista Okuk em i mekim bikpela wok long kantri bilong yumi. Tasol nau yumi mas lusim ting-

ting long em olgeta. Long wanem em i lus pinis long ileksen, na maski wari long em.

Yumi stap nau long nupela praim minista, Michael Somare. Na tu taim bilong komplem na wari em i go pinis.

Brata Lahiran, sapos yu wari moa yet, yu mas baim wanpela laut spika na go long ol dis-

pela ples, Siwawe, Sina-sina, Nabayufa na Elambari. Na tokim ol olsem, watpo na yupela autim Okuk? Na bai ol i bekim stret askim bilong yu.

Yu maski long raitim pas long Wantok, na mekim planti toktok na westim taim bilong yu.

Steven Tambi, Panguna, NSP.

# GIVIM STRET SENIS MANI

Dia Edita - Mi laik putim wari bilong mi long ol man i wok long PMV bas olsem ol draiva na boskru. Sampela taim mi yet mi traim pinis long helpim gut ol PMV draiva na boskru.

Sampela manmeri i givim ol boskru K2, K5, K10 o K20 na ol i no save givim stret sens mani long ol. Sampela taim yupela paulim ol lapun manmeri na givim hat taim long ol. Yupela mas save olsem ol lapun i no wok mani

olsem yupela.

Plis, yu save pinis ol lapun manmeri i hat tumas long painim mani. Sampela i nogat mani olsem na ol i no save givim bas fea long ol bas draiva. Na sampela ol i gat bikpela mani olsem K5.00 tasol ol i pret nogut yupela ol boskru i givim rong sens long ol, bikos sampela i save paulim ol tarangu lapun.

Dispela pasin i no kamap long ol lapun tasol. Sampela yangpela tu mi lukim ol i

komplem long boskru i no givim rait sens long ol.

Plis yupela ol papa bilong PMV tokim ol boskru bilong yupela long kaunim gut mani na givim long pasindia. No ken paulim ol bikos sampela i save belhat na i laik paitim ol boskru. Mi yet mi lukim long ai bilong mi olsem na mi laik tok save long ol papa bilong ol PMV.

Jacob Tonkaya, Okapa, EHP.

# PROVINSAL GAVMAN I NO GAT AI

Dia Edita - Wabag taun i no smat moa. Bipo em i wanpela namba wan taun tru.

Em i wanpela hetkota bilong Enga Provins tasol ol man i save wok long provinsal gavman i

sindaun tasol long opis bilong ol na wok long pen tasol Plis traim na opim ai na lukim bak-

# WES IRIAN LONG PNG

Dia Edita - Olgeta taim mi save harim long radio na ritim Wantok Niuspepa olsem Indonesia i kalapim boda na i kam insait long PNG.

Dispela kain pasin yupela i no save. Wanem as tru na ol i wok long kam yet long PNG.

Em yupela ting ol i kam insait nating? Ol i painim ol wel pik na kalapim boda o ol i bringim trabel i kam insait long yumi. Ating gavman bilong yumi i slip na i no laik stretim kwik dispela samting. I nogat wanpela PNG man i go long hap bilong Wes Irian na kam bek na stori long sindaun bilong ol long yumi.

Olgeta taim ol i wok long kam long sait bilong yumi bilong kisim wanem samting tru? Ol i tingting long wanem gutpela samting long PNG? Mi no save.

Ol i gat inap na ol i kam long sait bilong yumi. Taim ol i mekim bai yumi kalap nogut. Olsem na mi laikim

gavman i mas givim bikpela helpim i go long Difens Fos bilong yumi long kisim planti moa soldia.

Gavman i mas tingting gut na givim moa mani long Difens Fos. Gavman i save tingting long sampela ol arapela wok na i no tingim wanem samting bai kamap long bihain taim. Gavman i stap na mipela ol pipel i stap. Na yu husat bai lukautim bodi bilong yu long PNG?

Mi ting olsem ami i stap na yumi i stap gut. Na sindaun gut wantaim meri na pikinini na kaikai gut na raun long PNG long laik bilong yumi yet.

Tasol ol pik i wok long kamautim wan wan banis bilong gaden na laik i kam insait long gaden. Sampela taim papa bilong gaden i lukim na rausim ol i go ausait. Tasol wanpela de bai em i kam insait olgeta long gaden na bai yumi mekim wanem nau?

Kauba Kiriwai, Gumini, Simbu.

# MEMBA MAS OPIM AI

Dia Edita - Sunavi Ottio inap bai yu opim ai bilong yu na tingting long mipela ol pipel bilong yu. Na helpim ol kaunsil na toktok strong long gavman long givim sampela helpim long ol pipel bilong yu.

Mipela save olsem yu no nupela. Yu stap longpela taim long memba olsem na mipela laik yu mas wok wantaim ol Lufa Kaunsil na wok long provins bilong ol. Yu no save askim gavman long givim sampela mani long stretim sampela wari bilong

mipela ol pipel long Lufa.

Olsem na Ottio nau long dispela yia mipela laik yu mas wokim wanpela samting long tingting bilong yu yet. Na maski long askim ol pipel. Mipela i save olsem yu askim ol pipel na ol pipel i helpim yu na yu baim Kami Kopi plantesin.

Mipela laik yu mas wok wantaim ol pipel na Lufa kaunsil. Em tasol mi kisim ol maus bilong pipel na raitim dispela pas.

Yanoto Bade, Lufa, EHP.

**CALLING ALL BANDS WE SELL**

- amplifiers & speakers
- drumsets, sticks, skins
- guitars; electric; bass and ordinary
- strings & keys
- Music Books
- na ol kainkain samting long music

at **ROOKS RADIO**  
P O BOX 191, LAE.  
(Behind B.P.)  
PH: 42 4616.

# BIABIA



Salim ol pas i kam long  
WANTOK  
BOX 1982  
BOROKO



# Karim Kago Bilong Balus


"OL man i kisim gutpela wok na gutpela pe ol i ken tok laip i isi long kain ples olsem Mosbi. Tasol long kago boi, man olsem mi, laip long Mosbi em i hat tru. Asples i swit olsem na mi laik go bek. Em nau mi ken stap isi tasol."

Oscar Wauyari bilong Gono viles insait long Isten Hailans Provis i tok olsem. Oscar i wok olsem wanpela kago boi long Jacksen Ples Balus long Mosbi. Oscar i gat 19 krismas tasol na em i no marit.

Osoar i tok, "Mi stat wok olsem kago boi long 15 Mas 1978 insait long Goroka ples balus. Long 15 Julai, 1981 ol i salim mi kam wok long Mosbi.

"Olgeta moning long 4 klok ka bilong kampani i save kisim mi go long wok na mi pinis long 1 klok long apinun. Tasol sapos mi stat long apinun mi pinis long 9 klok long nait na ka i kisim mi go long haus.

"Mi yet mi save slip long 6 mail wantaim bikpela brata bilong mi, husat i save wok plama wantaim Watkins. Long moning na long nait kampani i save helpim mipela long kaikai. Wok bilong mi em long kisim ol kago bilong ol man-



Oscar Wauyari i save draivim dispela liklik ka bilong karim ol kago bilong ol pasindia long Mosbi ples balus.

meri i kam long Mosbi o i laik go long arapela ples, long whelka. Mi save kisim kago bilong ol manmeri i kam o go long balus na tu ol manmeri i gat planti samting long karim mi save helpim.

"Sampela taim tu bos i save tokim mi long wokim taim tebol

bilong ol wanwok bilong mi.

"Na taim mi no wok, mi save sindaun na toktok wantaim ol wantok o helpim ol tiket opisa long putim kago bilong ol pasindia long skel. Dispela ol wok mi save wokim taim mi waitim balus long pundaun. Mipela

ol kago boi i nogat belo kaikai.

Mi wok olsem kago boi long olgeta kain balus long kampani, stat long bikpela 707 balus i kam daun long liklik F27.

"Mi save long draivim ka insait long banis bilong wok tasol na ausait long bikrot bai ol

i tambu. Long wanem, mi nogat laisens bilong draiv.

"Pe bilong dispela kain wok mi wokim em i gutpela moa olsem na mi amamas long wok wantaim kampani. Tasol mi gat wanpela wari bilong mi. Ol i no givim mi haus. Maski ol kago opisa o trafik opisa planti i nogat haus bilong slip.

Arapela samting mi wari tru long em taim mi nogat wok na mi go raun long Boroko. Na sapos mi saitim ol meri ol i save ranawe i go tanim bek na krosim mi. Ating dispela i no gut pasin. Long wanem, mipela ol man i no inap kaikaim ol meri. Mipela olgeta i wankain tasol.

**Laip Long P.N.G**

"Wanpela samting mi lusim tingting long tokim yu em hia. Kampani i wokim lo olsem. Sapos mipela wok long wanpela ful wik mipela i save kisim 2-pela de long stap nating. Sapos mipela wok tripela ful wik, mipela kisim 4-pela de malolo. Tru olsem mi tok pinis laip long Mosbi em i hat tumas.

"Long nau prais bilong ol samting i go antap tumas. Long stua na tu prais bilong PMV i go antap pinis long 30 toea.

"Mi ting mani mi kisim bai i no inap sapos prais i wok long go antap moa yet. Bipo mi save ting, Mosbi em amamas ples tru. Tasol nau mi pilim olgeta laip long hia i no olsem laip long ples. Ples em long laik, yu laikim kaikai go long gaden na kisim.

• Weleta Warare

# Ripot Bilong Dispela Wik

## TRINDE OGAS

18 - Morobe Primia, Utula Samana i tokim Namba Tu bilong em, James Ibras long pinis long wok bilong em. James Ibras bai kamapim Vot -i-nogat-bilip egensim Samana long Septemba 1. Samana bai bekim dispela kain vot egensim Ibras long Septemba 6.



\* Nesenel Palamen bai op gen long Mande, Septemba 20.

\* Australia i bin tok orait long givim samting olsem K260 milion baset mani long helpim PNG Gavman. Praim Minista, Michael Somare bai bung wantaim Praim Minista, Malcom Fraser bilong Australia na stretim dispela toktok. Bung bilong tupela i kamap long Canberra long Trinde, Ogas 25.

## FONDE OGAS 19 - Praim Minista,

Michael Somare i tok save long planti olupela minista long lusim haus bilong ol. Sir Julius Chan tu i mas lusim haus bilong em long Konedobu na kisim narapela haus. Sapos ol i no lusim haus hariap, gavman yet bai rausim ol.

\* Air Niugini i tokaut olsem ol i kisim K454,000 (K454 tausen) profitmani long yia 1981.

\* Bougainville Kopa Kampani i bin lusim K14.64 milion namel long Disemba 30, 1981 na Jun 30, 1982. Olsem na PNG Gavman i no inap pulim bikpela takis mani i kam long en.

\* Prais bilong bensin, dislin, kerosin na bensin bilong balus i go antap. PNG Prais Kontrola, Mista Mekere Morauta i tok dispela samting i mas kamap. Long wanem prais bilong olgeta samting tu i sut i go antap tru nau.

## FRAIDE OGAS 20 - Gavman bai

rausim sampela wokman bilong em na sevim samting olsem K300,000 Praim Minista, Michael Somare i laik rausim 50 wokmanmeri namel long 166 olgeta husat i bin wok aninit long Chan-Okuk gavman bipo.

## FRAIDE OGAS

20 - Minista bilong Transpot na Sivil Eviesen, Mathew Bendumb i opim wanpela Air Niugini opis long HongKong. Na long Mande, Ogas 23 em i opim narapela opis gen long Singapore. Air Niugini i bin yusim dispela tupela opis long mun Epril i kam inap nau.



## TUNDE OGAS 24 - Papua Niugini i no

inap kisim gutpela prais long kopi. Long wanem tupela ovasis kantri, Brasil na Kolombia i resis long winim olgeta kantri long kisim bikpela mani long kopi bilong ol.

\* Praim Minista, Michael Somare i go daun long Australia. Em i laik kisim 10-pela de malolo wantaim famili bilong em. Foapela arapela wokman bilong Gavman bai go wantaim ol.

## TRINDE OGAS

25 - Memba bilong Yangoru - Saussia, John Jaminan i lusim K200 belmani long Maup Hagen Distrik Kot na go ausait. Kot bilong em bai kamap gen long Septemba 22.



\* Komes Minista bilong las Is Sepik Provinsal Gavman, Petrus Wafi i kalabus long tupela mun. Plis i tok em i bin paulim K4,500 bilong Provinsal Gavman namel long mun Oktoba na Disemba las yia.



**Sabusa Sawmilling Co. Pty Ltd.**

**HARDWOOD - SOFTWOOD - FLOORING - WEATHERBOARD - MOULDINGS - DRESSED & ROUGH SAWN TIMBER**

**CAN NOW BE PURCHASED FROM OUR TOWN YARD WHICH IS SITUATED AT SANDERS SALVAGE YARD, WAIGANI DRIVE, HOHOLA.**

**OPPOSITE ARROW BAKERY.**

**MON - FRI - 8AM - 4.30PM**  
**SATURDAY - 8AM - 11.30AM.**




**SAWN TIMBER**  
**For the handyman**



# Ripot Bilong Ol Maunten I Save Pairap

LONG Papua Niugini yumi gat 14 maunten inap long pairap na bagarapim planti manmeri na samting. Tasol yu no ken pret.

Sapos yu stap long Hailans, bai yu no gat wari olgeta long dispela samting. Sapos yu stap long Papua, i wankain tu. Sapos yu stap long nambis bilong Niugini, yu gat liklik wari tasol. Tasol ol manmeri i stap long ol ailan bilong Niugini, ol i save sindaun klostu tru long ol maunten nogut olsem Manam na Karkar na Langila na Ulawun na dispela 5-pela bilong Rabaut stret.

Tasol ol dispela manmeri tu i no ken pret nogut. Long wanem tude Gavman i gat wanpela lain wasman i save sekap oltaim long ol dispela maunten paia. Na ol i gat olkain nupela masin i sanap klostu tru na i luksave long paia na smok na pairap bilong ol dispela maunten. Sekim pinis, orait nau ol i salim ripot i go long wailles na i kamap long hetkota bilong bosim ol maunten paia, em long Rabaul yet.

Bipo tru, long taim i no gat ol dispela kain saveman i bin go glasim na sekap long ol maunten paia yet, i gat tupela i bin pairap na kilim indai moa long 3,500 pipel. Tasol stat long yia 1937, lain saveman ya i bin tok save bipo taim long ol maunten olsem Manam o Karkar o

Ulawun i laik pairap. Na wantu Gavman i bin bringim ol pipel i go longwe, na olsem i no gat wanpela tru i bin dai.

Nau yumi laik stori liklik long ol dispela maunten paia bilong PNG na long pasin bilong ol wasman i luakut bai ol i no inap bagarapim yumi.

## Frank Mihalic

Tenpela bilong ol maunten paia long PNG i stap long wanpela lain. Olgeta ol i sanap klostu long solwara na antap long ol ailan. Lain maunten ya i stat long Is Sepik Provins long Ailan Bam, klostu long maus bilong Wara Sepik.

Orait, nau yumi go long hap san-kamap na yumi painim ol dispela maunten paia: Manam na Karkar na Langila. Na nau yumi baut liklik na bihainim Wes Nu Briten na yumi sut i go long Rabaul. Hia yumi painim Ulawun na 5-pela maunten bilong Rabaul.

I gat tupela moa maunten paia i biknem, tasol i no stap insait long dispela lain. Em Lamington long Oro Provins na Bagana long Bougainville.

Long Hailans ol draipela maunten i save opim het bilong ol antap long ol klaut long moningtaim, bipo bipo tru ol i maunten paia tu. Tasol

ol i go lapun na kol pinis. Em sampela: Maun Hagen na Giluwe na Murray na Sugarloaf na Yelia na Doma.

Sapos yu laik painim sampela maunten paia long Papua, yu mas go long hap bilong Esa'ala na Dodu, long Milen Be Provins. Long ol arapela hap, i no gat olgeta. Yu tingim dispela na yu ken save, watpo tu i no gat guria i save sekim Papua. Na long hap bilong Niugini i gat planti guria. Na long ol ailan, planti moa.

## WATAIM OL MAUNTEN I SAVE PAIRAP

Long yia 1870 samting, ol man bilong Gavman i bin stat long ritim daun stori bilong pairap bilong ol maunten em ol yet i bin lukim. Olsem na mipela i gat ripot long ol maunten paia inap long 100 yia tasol. Ol stori bilong pairap bilong ol bipo, em yumi bin harim tasol long stori tumbuna bilong ol lapun. Ating ol i tru, o ol i stori nating, yumi no ken save.

Na bikos yumi no gat planti ripot bilong pairap bilong ol maunten ya, yumi no ken save wataim ol i laik pairap neks taim. Maunten Ulawun klostu long Bialla long Wes Nu Briten em wanpela tasol i bin soim pasin pairap bilong en. Stat long yia 1960 em i bin pairap olgeta

2-pela o 3-pela yia. Olsem na yumi ken save wataim em i laik pairap gen.

Long hap bilong Rabaul ol maunten paia ya i bin pairap long ol yia: 1767, 1791, 1850, 1878, 1937, 1941, 1942, 1943. Na inap 39 yia nau ol i sindaun isi.

Long Rabaul stret em i hetkota bilong glasim na sekapim olgeta maunten paia bilong kantri. Na long Rabaul ol i gat planti gat masin lukaut antap long graun, insait long graun na insait long wara. Ol i tok save tude olsem; Matupit Ailan i kam antap long wara moa na moa olgeta yia. Samting aninit i subim em i kam antap. Na long narapela hap aninit long wara, graun i go daun na wara i hat liklik. Dispela i min yumi mas lukaut. Wanpela samting aninit ya i wok. Tasol i no samting bilong wari yet.

## MAUNTEN AUTIM TOK SAVE

Olgeta taim wanpela maunten i laik pairap, ol manmeri ol inap long lukim na pilim na harim olkain samting.

Yumi go bek na tingim taim Ailan Vulkan i pairap insait long basis bilong Rabaul. Bipo i no gat dispela ailan olgeta. Em i statim olgeta wok bilong aninit long solwara yet. Stat long de namba 27 bilong Me, 1937, ol 7,000 pipel long Rabaul i bin pilim planti guria moa. Na ol i bin lukim ol rip na liklik ailan long basis i go antap long wara inap long tu mita yet. Manmeri i lukim olkain samting olsem, em inap pilim samting nogut i laik kamap.

## RABAU STORI

Na tru tumas, long 4 klok long apinun long Me 29, wanpela blak-pela klaut i stat long kamaut long solwara long hap we Vulkan Ailan i stap nau. Dispela klaut i pulap long olkain liklik hatpela ston na das na win i hat olsem paia tru. Klaut ya i sut i go antap inap long 7500 mita. Na olgeta pipia insait long en i bin kilim indai 500 pipel i sindaun klostu long Vulkan. Long dispela taim tu i gat planti bikpela pairap moa, na klaut i laik nogut tru. Em i gro i gro, na insait long wanpela nait em i go antap inap long 180 mita.


Olsem na yu ken lukim, wanem samting nogut i bin painim ol pipel long Rabaul long yia 1937. Watpo? Bikos long dispela taim i no bin gat sampela wasman i sekap long ol maunten paia nabaut. Olsem na stat long dispela taim, Gavman i kisim save pinis na i statim dispela wok lukaut.

## LAMINGTON STORI

Narapela eksampel bilong maunten paia i bin kilim indai planti pipel em i Maun Lamington, klostu long Popondetta long Oro Provins. Dispela maunten i win tru long strong bilong pairap bilong em, na insait long sampela minit em i kilim i dai 3000 pipel.

Tasol dispela taim tu, i gat planti kain samting i bin kamap inap long givim stia na tok save long ol pipel i stap klostu. Bikpela birua ya i bin kamap long Janueri 1951. Stat long de namba 16, planti guria i go i go strongpela moa, inap long ol man i no inap wokabaut sapos ol i no holim rop. Orait, long de namba 18 inap long 20 i gat wanpela blakpela klaut pulap long das na ol liklik ston i sut i go antap inap long 750 mita. Long de namba 20, maunten ya i pairap olgeta 5 minit 5 minit. Tasol ol pipel i no ranawe. Nogat.

Orait, nau long hapas ten stret long moning bilong 21 Janueri, nois i kam long Maunten Lamington em i go strongpela na bikpela moa. Maunten i pairap nogut tru na i sut-



Long Kep Goloucester, Wes Nu Briten Provins dispela maunten paia i bin pairap na kamapim smok. Ol man i pret tru taim ol i lukim dispela. Dispela foto kam long Dr. Peter Lowenstein.



Vulkan Ailan, klostu long Rabaul i pairap long Me 1937. Na samting olsem 505 pipel i bin dai long dispela birua.

im wanpela klaut pulap long ol hatpela ston na das i go antap inap long 1500 mita. Nau dispela klaut pulap long paia i resis i go daun long maunten inap long 12 kilomita samting. Na em yet i kilim indai 3000 manmeri i stap long rot bilong en. Hatpela win na das i kukim waitlewa bilong ol pipel na ol i no inap pulim win moa.

Em tupela eksampel bilong maunten i pairap long taim i no gat ol wasman i save sekap long ol. Sori, long dispela taim i no gat man i bin ting Maun Lamington em i maunten paia, o em inap pairap. Long wanem, ol ston insait long en i soim, em i no bin pairap inap long 1000 yia. Ol i ting em i slip pinis na i dai olgeta.

## MANAM STORI

Nau yumi stori long pairap bilong maunten long Manam Ailan long Madang Provins long yia 1957. Em bilong soim wok bilong ol wasman long sevim laip bilong ol pipel.

Bagana long Bougainville na Langila long Wes Nu Briten, na Manam, em 3-pela maunten i save salim smok na klaut i go antap olgeta de. Tasol wan wan taim Manam i save pairap nogut tru. Em i pasin bilong em long yia 1957. Gavman i bin putim wanpela stesin lukaut long Manam long Jun, 1957. I no longtaim na wasman bilong em i gat bikpela wok. Long Novemba olgeta klok na masin bilong stesin i soim olsem maunten ya i stat long pairap planti taim moa, na tu moa strongpela. Na tu wanpela masin i soim skin bilong maunten i wok long solap. Dispela i min, samting aninit i subim em i go antap.

Hetman Mista Taylor i wari moa long dispela. Em i salim tok save i go long Gavman i tok olsem, long tingting na save bilong em, dispela maunten long Manam bai pairap long mun Janueri o mun Jun long yia i laik kamap. Olsem, mobeta Gavman i tekewe olgeta pipel long Manam.

Gavman i harim dispela tok na long de namba 10 inap long namba 13 bilong Desemba, 1957, i gat 3200 pipel i bin kalap long ol sip na bot na i go sindaun long bikples.

Tru tumas, long de namba 25 bilong Janueri 1958 maunten bilong Manam i pairap nogut tru. Bikpela blakpela klaut i sut i go antap inap long 9,000 mita. Planti smolpela hatpela ston na das na kain kain pipia i sut i go inap long nambis na i



Planti manmeri i nogat taim long ranawe i go longwe long maunten paia na paia i kukim ol. Sampela man i paia nogut tru na yu no inap long lukim pes bilong ol. Dispela samting i ken kamap long enitaim. Nait o de.

karamapim olgeta samting inap long 150 milimita.

Klaut i gat paia i resis i go daun long 4-pela sait bilong maunten na i kukim tru olgeta bus na gaden na kukim. Na hatpela retpela ston wara i ran daun na i karamapim ples inap long 15 mita. Bihain em i kol na i tanim long ston tru.

Manam i pairap tupela taim moa long yia 1958 na ol pipel i kam bek long mun Julai. Ol i bin painim olsem, samting olsem 36 skwea kilomita bus i bin kuk pinis olgeta. Tasol i no gat wanpela manmeri, pikinini i bin lusim laip. Ol i mas tenkyu long ol wasman. Ol pipel i skul pinis, ol i mas harim tok bilong ol.

Tasol i no longtaim na ol masin i tok, Manam i laik pairap gen long Desemba 1959 ol wasman i bin sekap na painimaut olsem, i luk olsem Manam i laik pairap long mun Mas 1960. Wantaim moa ol wasman i tok save long ol pipel, na

ol i go hait long sampela hap bilong ailan yet, we paia na ston na smok i no save kamap. Na tru tumas, stret long de namba 17 Mas, Manam i sut i go i go inap long 2 awa hap. Wantaim moa i gat bikpela klaut paia i resis i kamdaun long maunten, (lukim foto) na i krungtim na kukim nogut tru olgeta samting. Ol hatpela ston na das tu i kamdaun. Tasol wantaim moa, i no gat wanpela man, meri, pikinini i lusim laip.

## WOK WASMAN

Olsem na yumi ken skelim gut wok bilong ol wasman bilong ol maunten paia. Insait long 22 yia bihain long dispela stori bilong Manam i kam inap nau, 7-pela maunten i bin pairap insait long PNG. Sampela i bin bagarapim bikpela hap bus. Na sampela taim Gavman i bin rausim ol pipel i go longwe. Tasol insait long ol dispela birua, i gat tupela man tasol i bin lusim laip. Em tupela wasman yet i bin go klostu tumas long paia long Karkar Ailan long taim em i pariap long yia 1979.


Tude i gat 10-pela stesin i was long ol maunten paia long PNG. Samtaim ol i gat wanpela wasman i bosim ol masin. Na sampela taim ol masin yet i save glasim na skelim ol guria bilong maunten na hat bilong em. Na ol dispela masin yet i salim tok save long redio bilong ol i go long hetkota long Rabaul.

Long tingting bilong ol wasman i lukautim ol maunten paia, yumi mas putim gut yau na ai long 7-pela maunten nogut long PNG. Ol maunten bilong Rabaul ol i kolim namba wan ples tru long resis bilong pairap. Lamington i kisim namba tu ples, Manam na Karkar namba tri, Ulawun namba foa Langila namba faiv, na Bagana namba sikis ples.

Tasol, no waris. Yu ken slip isi. Ol maunten paia ya i no ken pairap na sut i go antap wantu. Nogat. Ol i save givim tok lukaut pastaim. Na tude yumi gat sampela saveman inap long ritim dispela tok lukaut. Olgeta 7-pela maunten ya i gat stesin wasman long em. Yumi no stap moa long taim bilong ol tumbuna. Yumi kamap pinis long taim bilong ol saveman. Kas bilong ol na bilong Gavman i sapotim wok bilong ol.



Maus bilong maunten i op nau na em i stat pamim smok na graun i hai nogut tru i kamdaun long Ambogo veli. I gat poisin long dispela smok na sapos yu smelim bai yu indai ya.



Manam long 17 Mas 1960.....klaut pulap long paia i resis i go daun long maunten na i kukim olgeta samting i stap long rot bilong em.



# Watpo Ol Plis Na Ami I Pait



Deka Makaru

Deka Makru i bilong Pond Viles, Lake Kapiago long Saten Hailans Provins. Em i pinis long wok long Debessa

Helen Wagia Kulwa i bilong Maemasarian Viles, long Morobe Provins. Em i stap wantaim man bilong em long Gordon Plis Bareks.

Helen i tok, "Dispela kros namel long ol soldia na plisman i no kamap nau tasol. Em i stap bipo yet i kam inap nau. Mi yet i no klia long wanem as tru bilong dispela samting. "Mi ting ol plisman

Sekyuriti Kampani na i go stap long Sirinumu Pawa Ste-sin long Sogeri.

Deka i tok, "Mi les pinis long toktok long dispela kranki pasin bilong Ami na Plisman. Yumi olgeta i save. Wok bilong Ami na Plis i bilong helpim ol pipel, was long kantri na stapim ol bikpela trabel.

"Bilong wanem na ol i laik pait olsem ol busman long asples bilong mi? Ol i daunim nem bilong ol i go daun tru. Ol hetman bilong ol tu i mas sem long dispela samting. Ating ol dis-

na soldia i resis long soim strong na biknem bilong ol. Ol soldia i laik putim nem bilong Plis i go daun. Na nem bilong ol i mas stap antap. Ol plisman tu i laik soim olsem strong bilong ol i moa yet winim ol soldia.

"Dispela kain pasin i no gutpela long ai bilong mi. Wok bilong Ami na Plis i wankain tasol. Ami i was long kantri na helpim ol pipel. Plis i lukautim lo

pela bikman i no givim gutpela save long lain bilong ol o olsem wanem?

"Mi ting ol yet i mas painim gutpela we bilong pinisim dispela kros. Mipela ol pipel i no amamas long yupela ol soldia na plisman bilong tude.

"Mi yet i putim dispela hevi i go long ol soldia. Ol i brukim ol plis ka, paitim man nabaut na bagarapim ka bilong ol na paitim plisman. Em i no asua bilong Plis.


"Yupela ol soldia na plisman i winim mipela

na oda na lukautim ol pipel insait long kantri.

"Ol i mas stapim dispela longlong pasin. Mi laik lukim ol i bung wantaim na tingting long kamapim gutpela wok bilong ol yet. Tupela Komanda bilong Ami na Plis stretim dispela asua hariap na ol plisman i ken sekanim ol soldia. Ol i mas kolim bel na wok wantaim. Nogut bai planti bilong ol i dai nating long pait."

## Yu Ting Wanem ?

long bikpela save. Na em i wok bilong yupela long skulim mipela ol pipiaman long ples. Sapos mipela ol pipel i joinim yupela long dispela rabis pasin, bai husat i stapim mipela? Nogat tru. Orait, tingting gut nau."



Helen Wagia Kulwa

BIKPELA pait namel long ol soldia na plisman long Mosbi i bagarapim gutpela nem bilong Difens Fos na Plis. Wanem as tru bilong dispela pait? Na husat tru bai karim hevi bilong dispela trabel? Dispela kain birua o pait i gutpela pasin o nogat? Yu ting wanem?



Mark Iso

Mark Iso i bilong ples Wambili long Enga Provins. Em i wanpela Sekyuriti Opisa long Mosbi Jeneral haus sik.

Mark i tok, "Mi bin stap long PRL graun na

Lucy Paul i bilong Buke Viles, long Manus Provins. Em i stap wantaim papamama bilong em long Gordons, Mosbi.

Lucy i tok olsem, em i no save gut long as bilong tripela pait i bin kamap. Papa bilong em i wanpela plisman husat i bin stap insait long dispela pait. Tasol Lucy i tok, "Ol plisman i nogat asua. Long wanem ol i no statim dispela trabel. Ol soldia yet i bin statim dispela pait long Tunde Ogas 10. Ragbi Lig tim bilong ol i lus long taim ol i pilai wantaim Hawks. Na ol i

mi lukim namba wan pait i kamap. Dispela trabel i kamap long Tunde apinun, Ogas 10. Ol soldia ye i bin statim dispela trabel.

"Mi no bin lukim wanpela ausaitman i joinim dispela pait. Mi luksave long ol soldia bilong Taurama na Mari Berek tasol. Planti bilong ol i spak pinis na i go sapotim tim bilong ol.

"Ol dispela spakman i kirapim pait. Mi no amamas long lukim dispela kain pasin. Ol soldia i mas stap aninit long lo.

"Ol plisman tu i save longlong na belhat nating. Plisman i kisim pe

belhat na kirpaim trabel long PRL graun.

"Ol plisman i go long rausim na stapim ol man i pait. Tasol sampela soldia i kranki na tromoi ston nabaut long plis ka. Em nau.

"Ol plisman i lukim ka i bagarap na ol i belhat. Olsem na ol i sutim tok long ol soldia bilong Mari Berek. Orait. Namba wan pait i bin stat long dispela taim.

"Mi no bin harim gut stori bilong namba tu na namba tri pait. Mi ken tok olsem dispela belhat bilong soldia na plisman i no inap long pinis nau. Ol yangpela plisman na soldia i laik bikeht tru long skelim

long mekim gutpela wok. Luaktum ol na oda, helpim pipel na was long samting nabut long olgeta hap insait long kantri.

"Traim na bungim tingting na wanbel wantaim. Maski so-op na kamapim hambak pasin. Ol soldia i mas larim ol plisman i go het long wok bilong ol. Na ol plisman tu i mas soim gutpela pasin long ol wanwok i stap long Ami.


"Ol komanda nabaut i mas skulim ol lain bilong ol gut. Mask bilasim bodi long yunifom bilong gavman nating. Lainim gut ol wokman i stap aninit long yupela."



Lucy Paul

strong na traim bun.

"Komanda bilong Ami na Plis i ken kilim indai dispela asua. Tasol yumi save pimis. Ol man i no inap lusim tingting long dispela pait.



Yape Kwalu

Yape Kwalu i bilong Horale viles,

long Saten Hailans Provins. Em i stap long Hohola namba 4. Na em i gat wanpela PMV bisnis insait long Mosbi.

Yape i tok, "Dispela pait bilong Plis na Difens Fos i bin kamap tripela taim olgeta long las wik tasol. Mi no save long as bilong dispela trabel bilong ol. Tasol mi harim olsem ol i kirapim pait long ples bilong pilai ragbi.

"Ol plisman i go

long stapim dispela trabel. Tasol sampela soldia i tanim na sutim nus bilong ol plisman.

"Ol i bagarapim haus na ka bilong ol man nating. Ating kros i bin stat long dispela hap na i go bikpela.

"Mi laik bikbos bilong Ami na Plis i stretim toktok na stapim dispela rabis pasin bilong ol soldia i no ken traim long bagarapim wok bilong ol plisman."

Joyce Tiriman i bilong Vunmami, long Is Nu Briten Provins. Em i stap wantaim ol wanpisin bilong em long Gordon.

Joyce i no amamas tumas long dispela pasin ol soldia na plisman i mekim. Olsem na em i tok, "Ol soldia bilong Mari Berek i rong. Long wanem ol i bin kirapim dispela pait. Plisman i no inap pait wantaim ol nating.

"Ol soldia i bin bagarapim pilai, brukim haus na paitim ol man nabaut long PRL graun.

"Dispela kain pasin i nogut tru. Ating ol i spak na longlong tingting i paulim ol o olsem

wanem? Na bihain ol i kirap na skrapim bel bilong ol plisman.

"Sapos ol dispela soldia na plisman i skrap long pait, orait, rausim yunifom bilong gavman na go long asples. Ol bos bilong ol i mas sasim ol na putim ol long kalabus. Dipatmen bilong Plis na Difens Fos bai amamas long givimaut ol wanwe tiket bilong blaus. Long wanem nau mani i sot long luaktum ol bikhet man.

"Brigedia - Jeneral Gago Mamae bilong Difens Fos na Plis Komisina, Henry Tokam i mas stretim toktok wantaim na pinisim dispela asua. Dispela birua i no inap kamap planti taim olsem nau.




Joyce Tiriman

I gat bikpela as bilong tok.

"Pasin bilong tok bilas tasol i mekim ol soldia na plisman i pait. Mi no laik tok klia long dispela tok bilas nau. Em samting bilong gavman, ol Minista na hetman bilong wan wan dipatmen.

be a 'smartie'  
- ask for  
smarties in the  
square box

fresh  
from  
Australia



A quality product  
fresh from  
Rowntree Hoadley  
(Australia) Ltd.



# NO KEN KISIM SPAKMAN

Dia Edita — Mi save stap long Mosbi na lukim kain pasin na mi lusim Mosbi pinis. Na mi kam stap long Panguna long Not Solomons provins. Mi lukim planti man i save dring bia na ol i save so-op tumas.

Na taim hotel i pas ol i save go sanap long bas stap long wetim PMV. Na taim PMV i kam stap ol i save go insait na sindaun klostu long ol meri. Ol i save tok kain kain toktok giaman olsem bai ol meri i harim. Na sampela ol man bai traim i go klostu long ol meri, olsem ol dok i smelim hap kaikai nabaut long pipia. Sampela i save tok nogut wantaim long draiva na ol pasindia. Sampela tok

nogut i ken mekim ol pipel i sem.

Ating mobeta ol bas draiva i no ken karim ol kain pipel olsem i kalap long bas. Larim ol i stap na ol yet i painim rot bilong ol long go long haus. Karim ol gutpela pasindia tasol na tingting long givim gutpela sevis. Na maski tingting long mani tasol. Long wanem sampela taim ol i save bagarapim bas tu ya.

Olsem na mi laik tok save long ol draiva long lukim gut ol man i sanap long bas stap. Tingting long laip bilong yu na ol gutpela manmeri husat i stap long bas. Na maski karim ol spak man nabaut.

David Famudi  
BCL Panguna.

# ENGA MAS LUSIM SOMARE

Dia Edita — Liklik wari bilong mipela ol Enga na mipela i laik tokaut long Wantok Niuspepa.

Ol Enga i tok olsem olgeta memba bilong Enga i bin joinim Pangu long kisim gavman. Na nau olsem wanem? Somare i no givim tu o tripela ministra long Enga.

Mipela ol Enga i laikim Pangu tasol long dispela kain mipela i no laikim Pangu Somare i mas givim Plis ministra



long wanpela Enga memba. Olsem wanem? Ol Enga man i wok long pait yet na yu Plis ministra i no opim maus. Mi ting olsem Somare i bin rulim Papua Niugini bipo tru na nau em Somare i lapun pinis.

Plis Somare yu mas traim lusim dispela Praim Minista posisen na ol yangpela man i ken rulim mipela. Mi ting olsem i nogat wanpela gutpela man long rulim Papua Niugini. Mi ting tupela man tasol em long Iambakey Okuk wantaim Michael Somare tsol. Somare i lapun pinis olsem, long 1987 Okuk i mas triam Praim Minista posisen. Na mi no laikim arapela man olsem Julius Chan, Ted Diro, John

Momis o Roy Evara. Somare yu ritim dispela orait traim nau tasol na givim Plis ministra long wanpela Enga memba.

Sapos yu no givim orait, yu memba bilong Enga Paul Torato plis kisim ol Yunaitet. Pati memba bilong yu na pulaut long Pangu. Sapos yu no harim dispela tok na pilai pilai, bai yu aut long narapela ileksen. Sapos yu man bilong Enga, yu pulaut long Pangu.

Yu wantaim memba bilong Enga Paul Torato i mas aut long Pangu. Harim em olsem bai mi stretim tok ples Enga.

Mathew Minapi  
Taupin  
Arawa, NSP.

# LUKIM GUT NA VOT

Dia Edita — Mi laik bekim pas bilong Jacob Awogeta bilong Lufa Isten Hailans Provins i bin kamap long Sarere 14 Ogas.

Yes brata, tok bilong yu i bin tru long memba bilong yu Sunuvi Otio i save win bek long memba planti taim long pati bilong Somare.

Yu bin tok, bilong wanem na ol i no givim em wanpela ministra wok. Na tu yu bin tok, Somare i no save opim ai bilong em long makim dispela man.

Yes brata yu tok tru long olgeta tok yu mekim. Tasol wanpela samting mi tokim yu. Yu save pinis long mipela ol pipel bilong Henganofi i save opim ai bilong mipela long votim ol memba.

Mipela i lukluk gut na givim vot long John Kiheno long Henganofi Open.

Mipela i save Kiheno i bin pinis long bikpela skul olsem na olgeta pipel i givim vot long em tasol. Maski ol arapela man. Nau em i kisim wok olsem minista bilong ol Plis. Somare i givim wok minista long wanem em i pinisim bikpela skul. Yu no ken pasim ai, lukim gut na vot.

Benny Honenu  
Toniva, Kieta.



# MERI BOSIM MANI I NO STRET TRU

Dia Edita - Mi save lukim planti meri long taun na tu long ples. Ol i save mekim dispela pasin i no stret long ai bilong mi.

Long lukluk bilong mi i no stret tru long meri i bosim man bilong em. Olsem wanem, man i maritim meri o meri i maritim man. Meri i mas stap aninit long man bilong em. Long wanem man i maritim em na em i mas harim tok bilong man bilong em tasol.

Mi save lukim planti man i save kukim kaikai bilong ol famili bilong ol na mi no amamas tru. Wan wan taim ol i mekim olsem i orait. Tasol long kuk long olgeta apinun na meri bilong em i sindaun nating, i no gutpela. Nogat tru.

Mi gat bikpela wari long ol man husat i save

go wok long san. Meri bilong ol i stap nating long haus na i no save kukim kaikai bilong man bilong ol long apinun. Man bilong ol bai kam bek long apinun na mekim wok bilong meri bilong em long kukim kaikai bilong famili bilong em.

Long ples tu i wan-kain tru olsem na mi les pinis long dispela pasin. Man i kisim meri long bosim haus. Sapos yu stap long haus karim, em i orait. Yu no mas kuk.

Tasol sapos yu stap wantaim man bilong yu long haus, plis yu mas kukim kaikai bilong em na ol pikinini. Em i kisim yupela long mekim dispela kain wok.

Mi save lukim olsem meri bilong ol i bosim na givim oda long ol.

Na bai ol i harim tok na mekim ol wok bilong meri. Em i no stret tru. Em i wanem kain pasin?

Thomas. A. Select,  
Kayan, Madang  
Provins.

# TRAIM OKUK

Dia Edita — Em hia wari na tingting bilong mi i go olsem. Olgeta manmeri bilong bikples long mainlan ol i nogat wankain tingting na sem kastam i stap long het bilong ol.

Em nau mi laik askim yu, John Nilkare. Em i gutpela tru long yu winim ileksen tasol mi laik askim yu tripela kwesten. 1. Inap long yu kamap deputi Praim Minista olsem Okuk. 2. Inap long yu wok olsem Okuk i wok. 3. Inap long yu opim maus olsem Okuk.

Sapos yu man tru bai yu kamap deputi Praim Minista na wok olsem Okuk i wok. Sapos nogat bai yu karim wok bilong wanpela minista tasol.

Sapos yupela ol Simbu i gat gutpela het, bai Okuk inap tru long kamap Praim Minista bilong kantri bilong yumi. Tasol nau mi sori na sori moa long em i lusim wok bilong en. Mi wanpela manki Enga i tokim yupela ol Simbu lain.

Nita Tamo,  
Apumare Besani  
Arawa, NSP.

# MEMBA MAS PAINIM MANI LONG GAVMAN

Dia Edita - Mi laik autim wanpela wari bilong ol pipel insait long ples Wiru long Ialibu - Pangia ilektoret.

Taim miepla i givim vot long Mista Pundia Kange em i winim ileksen long dispela ples mipela i no givim

Tok Save i go long ol man i save salim pas long Wantok. Sapos yu no putim nem tru bilong yu long pas mipela i no inap prinim leta bilong yu.

# BOKIS MASIS I NO STRONG

Dia Edita - Ol bokis masis nau yumi save baim i no strong. Ol i wokim tasol long pepa na sapos mipela putim long ples kol, em i save malmalu na ol stik masis tu i save bagarap. Olsem na mobeta ol i mas wokim bokis long wud na bai mipela i ken yusim long neks de tu.

Masis bilong yia 1976 - 78 em wanpela strongpela masis tru. Maski stik i pinis tasol bokis em i stap strong inap long yusim tri o foa taim. Olsem na mi ken tok long mi yet mi save lusim K4.00 tu



vot nating long em. Nogat. Mipela i gat bikpela wari na hevi.

Wari bilong mipela i olsem, i no gat gutpela we bilong mipela long bringim ol samting long maket. Long wanem Wiru rot em i no gutpela tru. Mi lukim pinis dispela rot long planti yia tasol ol i no stretim na mipela i sindaun long bus tasol. Na ol kaikai mipela i planim mipela yet i mas kaikai. Long wanem i nogat ka long karim i go long maket. Olsem, sapos yu tingting tru long

kirapim ples Wiru, yu mas painim mani long gavman bilong stretim dispela rot. Dispela i mas kamap olsem nambawan prairiti tru bilong yu. Yu no ken

# PULIM BUAI NATING

Dia Edita — Mi save lukim dispela pasin long Lae maket. Long sampela taim mi save go long maket na sanap lukluk long ol manmeri long maket.

Taim ol pipel i stap long maket na lukim ol Markam pipel i kisim buai kam, ol dispela lain manmeri i no save isi liklik. Ol bai kirap long ka na pulim bek buai o rop buai na tarangu ol yet bai wokabaut nating i go. Ol meri i gat pikinini ol i no save wari long pikinini bilong ol.

Dispela ol pipel i mekim dispela kain pasin ating i no sem liklik. Yupela i kam we tru? Ol manmeri bilong Goroka, Simbu na Hagen i save mekim olsem. Traim na wet liklik long papa bilong buai i putim prais na

lusim tingting long dispela. Plis, mi wanpela boi bilong ples Tunda i tokim yu.

No Nimini,  
Pangia, SHP.

bihain baim na kisim i go long haus o ples bilong yupela.

Sampela taim yupela yet ol asples i mekim olsem na mi sem long yupela. Sapos mi bilong Morobe yet ating mi yet bai planim buai na karim i kam salim long maket. Mi no inap long baim long ol wantok. Ating yupela i save lus tru long buai bilong ol Markam olsem na yupela i save pulim lain i kam long Lae maket long baim buai. Mi bilong Okapa tasol nau mi wok long Lae. Mi save lukim ol man i resis long buai bilong Markam na salim long blak maket long taun.

Gollin Nanako  
Lae,  
Morobe Provins.

## NUPELA MARASIN BILONG NATNAT

### BILONG HAUS "MOZZIE ZAPPER"

1. Was long yu na famili bilong yu long ol natnat na arapela binatang.
2. Ol dua na windua i ken op i stap long taim yu pamim marasin.
3. Em i sef na isi long yusim K15.00 TASOL.

### BILONG PUTIM LONG SKIN BILONG YU "ELECTRONIC MOZZIE REPELLER"

1. Em i wok long bateri. Na bateri i ken stap i nap 1-pela yia.
2. Liklik na isi long karim raun.
3. Sef na isi long yusim. K8.50 tasol.

Salim mani oda o beng sek bilong yu i go long Wiambly Trading, P O Box 1412, Lae Papua New Guinea.

# KOMISINA I LAIK PINISIM SEPLEN

Dia Edita, — Yes tingting bilong mi i no stret taim mi harim long Redio olsem Komisina bilong Plis i laik pinisim wok bilong ol Plis Seplen. Dispela Plis Seplen em man i wok olsem pasto long plis fos.

Wanpela tok bilong em i tok ol Plis Opisa bai ken makim ol wok nau ol Pasto i save mekim. Nau mi laik

askim Plis Komisina sapos em i bin skul long wok bilong misin na nau em i laik pinisim wok bilong misin insait long plis. Na em i laik givim dispela wok long Plis Opisa husat i no bin skul long mekim kain wok olsem.

Orait nau mi laik gavman i mas lukluk gut. Mi save sapos i no gat misin i makim ol Plis na Ami bai ol i no

inap wokim gut wok bilong ol.

Mi laikim Komisina bilong Plis i mas tingting gut na em i ken autim tok olsem. Yes mi ting em i namba wan Plis Komisina husat i mekim kain toktok long wok bilong ol misin. Em i mas save olsem gavman na misin i mas wok wantaim.

Thomas Kidili  
Panguna. NSP.



# Komiti Bilong Glasim Mosbi

**PLANTI meri insait long Mosbi Siti i save pret long raun long taun. Long wanem ol man i save raunim ol na tok nogutim ol.**

Olsem na wanpela grup em YWCA i go pas long en i bin kirapim wanpela komiti long Tunde 24 Ogas. Wok bilong dispela komiti em long glasim ol ples insait long siti. Na painimaut as bilong ol trabel ol meri i save bungim.

Nem bilong dispela komiti em Pablik Afeas Komiti.

I gat 6-pela memba olgeta long dispela komiti. Na Mis Keni Kala bilong NBC i siaman bilong em. I gat 4-pela hap bilong program bilong ol.

\* Glasim gut hamas haus kaikai i stap klostu, klostu insait long wanpela hap tasol. Na painimaut sapos

papa bilong dispela haus kaikai i bilong PNG o i gat ol ausait man olsem bilong kantri olsem Filipin tu i gat narapela i stap klostu.



Komiti i lukluk gut long dispela na bai raitim wanpela pas i go long Dipatmen bilong Leba na Siti Kaunsil.

Long wanem gavman i tok ol kain liklik bisnis olsem i bilong ol PNG pipel. Tasol nau ol i save givimaut nating laisens. Na tu ol i no save i go lukluk gut long wanem hap dispela bisnis bai kam, na painimaut sapos i gat wanpela man bilong PNG i gat wankain bisnis i stap klostu o nogat.

\* Lukluk long hap ol i save givim laisens long ol haus snuka, spes gem na poka masin.

\* Ol hap ol i save baim bia olsem long Taurama Futlen.

\* Ol haus bilong pilai hos res.

Taim dispela komiti i painimaut gut tru long ol dispela samting bai ol i salim pas i go long departmen i save givim laisens, Siti Kaunsil na Foren Afeas Dipatmen.

Ol dispela samting i save kamapim planti hevi tru. Planti taim ol haus kaikai bilong ol PNG pipel i save bagarap long wanem ol Filipino tu i save go wokim bisnis klostu tasol.

Nau gavman yet i wok long givim wok pamit na laisens long ol waitmanmeri. Taim planti asples manmeri i wok long painim wok yet, na raun raun i stap nating.

Ol haus snuka i no save kamapim gutpela samting. Taim ol man o manki i pinisim liklik mani bilong ol bai ol i painim mani na stat brukim haus na raun long ol stua na stil.

Planti hap long siti i gat planti pipia tru na i nogat toilet. Ples bilong pilai hos res em wanpela bilong ol. Nogat sia bilong sindaun na planti taim ol mama i kisim pikinini bilong ol na sindaun nabaut long ples pipia olsem spet bilong buai.

Ol hap bilong baim bia tu i stap klostu long ples bilong hos resis. Na snuka, spes gem na poka masin i kamap moa hevi. Long wanem man i stap fultaim insait long dispela ol haus i save baim bia na i go dring na pilai.

Nau ol meri insait long siti i no inap long wokabaut long laik bilong ol klostu long ol dispela haus. Ol man i save ranim ol, tok

nogutim ol, olsem na planti meri i save pret.

YWCA i wanpela lain i save wari tru na traim helpim sindaun bilong ol meri. Na dispela nupela komiti bilong em bai lukluk long laip bilong ol meri long siti. Na wanem kain hevi ol i save painim.

Komiti i skelim pinis ol meri long was long hap insait long siti. Misis Tamo Diro bai glasim Boroko na Hohola, Karina Okuk-Badili, Mosbi taun, Kene Kala na Roslyn Bobom - Gerehu, Anne Kerepia 6 mail i go long ples balus, Margaret Loko - sait bilong Kaugere na narapela meri long Gordons.

Na dispela komiti bai bung gen long 31, Ogas long tokaut long wok bilong ol bihainim long ol raitim pas i go long dipatmen i save givim ol laisens.

• Pauline Laki



Kene Kala seketeri bilong Pablik Afes Grup.

**SINGER**

**PREN BILONG YU INAP OLTAIM**

## Mi Laik Maritim Skulmeri

**DIA LAIPLAIN,**  
MI bin pinisim skul long Yunivesiti tupela yia i go pinis. Na nau mi holim wanpela gutpela wok long wanpela Gavman opis. Papa-mama bilong mi i laikim mi maritim wanpela meri long ples yet. Na ol i redi long baim dispela meri na givim long mi.

Tasol mi laik maritim wanpela skulmeri. Dispela meri long ples i naispela meri na em i laikim em. Em i gutpela long mi maritim em o nogat?



meri bilong em i mas i gat wanpela tingting na wanbel. Na tupela i mas skelim gut kain kain samting wantaim.

Sapos meri i bihainim narapela tingting na man i bihainim narapela rot, bai tupela i painim hevi. Em i tru. Sapos skulman i maritim meri long ples, sampela tingting bilong tupela bai narakain liklik.

Planti gutpela marit i save bruk hariap long dispela kain hevi tasol. Sapos man i lainim meri na givim em sampela skul, em bai gutpela. Meri i ken klia long mekim wok, sapos man bilong em i lainim em gut.

Man wantaim meri bai painim liklik hevi taim tupelai gat ol pikinini long luakutim. Man bai tingting tumas long wok bilong em. Planti taim bai em i no inap i stap klostu long meri. Em bai go i kam long wok. Sampela taim bai em go longwe na lusim meri i stap.

Dispela kain samting bai givim hatwok long meri. Man tu bai wok na tingting planti long meri wantaim pikinini. Tupela bai painim bikpela hevi. Gutpela marit bilong tupela bai baga-

rap namel. Sapos man wantaim meri i stap long biktaun, tupela bai painim bikpela hevi. Man bai kisim ol skul pren i go long haus. Na meri bai sindaun na pilim narakain stret.

Sapos man wantaim ol poroman i tok Inglis, bai meri i no gat pren long toktok wantaim. Olsem na tarangu meri bai mekim wok wantaim bikpela sem. Man tu bai sem liklik. Long wanem em bai tingting long amamasim ol poroman long tingting gen long helpim meri.

Ol meri bilong ples i save painim bikpela hevi. Ol i lusim ples na i go stap wantaim man bilong ol long taun. Bihainim marit bilong em i painim asua. Tarangu meri bai painim ples.

Sapos man i skul na maritim wanpela skulmeri, tupela i ken stiaim marit bilong ol. Tasol dispela kain marit tu i save painim hevi.

Mi tok klia pinis. Man wantaim meri i mas gat wanbel na bihainim wanpela tingting. Em bai marit bilong tupela i no inap painim bikpela asua namel.

Yes, Pren. Laiplain i save harim planti wari i wankain olsem bilong yu. Planti skulman o yangpela sumatin i tingting tumas long bikpela save na gutpela wok bilong ol. Olsem na planti bilong ol i no save bihainim toktok bilong papamama long ples.

Papamama bilong yu i laikim yu maritim meri long ples. Na ol i laik marit bilong yu i bihainim pasin bilong tumbuna. Olsem na ol i bungim pinisin mani bilong baim meri. Sindaun wantaim ol sampela taim na toktok gut long dispela samting.

Em i laik bilong yu tasol. Save i stap long yu. Tingting gut long laip bilong yu long bihainim taim. Stretim olgeta toktok wantaim ol lapun long ples. Tasol yu no ken larim ol i subim yu tumas long bihainim laik bilong ol. Yu mas tingting long laip bilong yu yet.

Olgeta hevi na wari bilong marit bai sut long yu. Yu tasol i gat pawa long rausim meri o kisim em. Olsem na yu yet i mas skelim wanem rot i gutpela na bihainim.

MI LAIPLAIN.

**SPARKA**

**PICK IT UP MORESBY**

**MOA SPARKA YU DRINK MOA FRI SPARKA YU KISIM**

**Hei ol Amigos!**

Noken toromoi ol Sparka botoltop, bai mi givim yu wanpela fri Sparka long olgeta wanpela ten faiv Sparka botoltop yu kisim ikam long Sparka fektri.

na tu

Amigos olgeta taim yu kisim ol botoltop ikam, bai mi raitim nem wantaim namba bilong ol botoltop. Long namba 31 de bilong mun Disemba wanem man igat bikpela namba bai winim wanpela gutpela Redio Keset Plea.

**Resis bai pinis long namba 31 de bilong mun Disemba**

**Hohola Softdrinks Pty. Ltd., Koani St., Gordons.**

HEB 1987



### TOK I GO PAS

**Buk bilong JUDIT i stori long ol lain Juda klostu i laik lus olgeta na klostu i laik painim bikpela bagarap long han bilong ol lain birua.**

**Tasol wanpela gutpela meri i stap, nem bilong Judit, em i save strong moa long bihainim olgeta lo bilong God. Na em i bilip strong, God inap sambai long pipel bilong em, na kisim ol bek long han bilong ol birua. Orait, na Judit yet i pre long God, bai God i strongim em long winim birua.**

6 Ol pipel i stap yet long Betyulia, ol i go daun nau long kem bilong ol Asiria na ol i mumutim tru ol gutpela samting. Ol i karim planti samting i go bek long taun. 7 Taim ol soldia bilong Isrel i kam bek long pait, ol tu i go long kem na ol i mumutim wanem samting i stap yet. Ol pipel bilong taun na ples i stap long maunten, na long ples stret ol i kisim planti samting moa, long wanem kem bilong ol Asiria i pulap tru long ol kain kain gutpela samting.

*Ol Isrel i amamas*

8 Orait, hetpris Joakim na ol lida bilong Isrel i lusim Jerusalem, na ol i kam bilong lukim ol gutpela samting God i bin mekim long Isrel. Na tu ol i kam bilong lukim Judit na amamasim em. 9 Na taim ol i bungim em, olgeta wantaim i givim ona long em na i tok olsem, "Yu ona bilong Jerusalem. Yu nambawan meri tru bilong Isrel. Mipela i amamas tru long yu. 10 Yu wanpela tasol, yu mekim ol dispela samting. Yu tasol yu mekim Isrel i win gen. Na God i orait long ol dispela samting yu mekim pinis. God i strong olgeta, i ken mekim gut long yu oltaim." Na olgeta pipel i bekim: "I tru!"

11 Inap long 30 de ol pipel i wok long mumutim ol samting long kem. Olgeta samting bilong Holofernes ol i givim long Judit, olsem haus sel na ol dis na plet silva na ol bet na ol kap na ol betol na sia na kain samting olsem. Em i kisim ol dispela samting na em i pasim long donki bilong em na i redim tu ol karis na em i hipim ol samting i go antap. 12 Olgeta meri bilong Isrel ol i kam long lukim em. Ol i givim ona long em na litimapim nem bilong em na sampela i danis i go pas long em. Judit yet i kisim sampela han bilong diwai na i givim sampela long ol meri i poromanim em. 13 Na em wantaim ol dispela meri ol i raunim ol lip

oliv, na i putim long het bilong ol. Na em yet i go pas long ol meri long wanpela singsing danis. Na ol soldia bilong Isrel i holim ol samting bilong pait, na ol tu i putim bilas long het, na ol i bihainim ol meri na ol i singim ol singsing lotu.

*Prea bilong Judit*

**16** 1 Olgeta Isrel i stap wantaim em, na Judit i kirapim dispela singsing bilong tenkyu, na olgeta pipel i bungim mau wantaim em. Judit i tok olsem,

2 "Kirapim singsing long God bilong mi. Paitim garamut. Singsing long Bikpela wantaim ol Kundu. Litimapim nem bilong em long nupela song. Onaim em. Singautim nem bilong em.

3 Long wanem, Bikpela em i God bilong pinisim pait. Em i kisim mi bek long han bilong ol birua, na putim mi bek long kem bilong ol pipel bilong em.

4 Ol Asiria i lusim ol maunten long Not na ol i kamdaun. Ol namba bilong ol soldia i moa yet. Olsem na ol i pasim ol wara long ol ples i daun. Na ol hosman i karamapim ol maunten.

5 Ol i pretim mipela long tok olsem, Bai ol i kukim graun bilong mipela. Na bai ol i kilim ol yangpela man bilong mipela long bainat. Na bai ol i tromaom ol bebi bilong mipela long graun. Na bai ol i pulim ol pikinini bilong mipela i go kalabus. Na bai ol i spoilim ol yangpela meri bilong mipela.

6 Tasol Bikpela I Gat Olgeta Strong em i daunim ol long han bilong wanpela meri.

7 I no wanpela yangpela man i bin bagarapim bikpela lida bilong ol. Nogat. Na i no wanpela strongpela man i kilim em indai. Nogat. Judit tasol, pikinini bilong Merari, em i trikim em long naispela pes bilong em.

8 Em i tekewe ol klos sori bilong soim man bilong em indai pinis, na i pasim naispela dres bilong grisim em,

olsem bai em i ken litimapim ol tarangu pipel bilong Isrel. Em i welim pes bilong em yet long sanda, na em i pasim gras bilong em long wanpela naispela hap bilas.

9 Bikpela lida i aigris long naispela su bilong Judit na em i lukim em i naispela meri moa, na em i seksek. Orait, nau bainat i katim nek bilong em.

10 Ol man bilong Pesia i guria long strong bilong meri ya, na ol man bilong Midia i seksek long em i no pret long wanpela man.

11 Ol lain bilong mipela i bagarap bipo, nau i amamas na i singaut strong na ol birua i guria. Ol i bikmaus tru, na ol birua i ranawe.

12 Mipela ol pikinini bilong ol wokmeri nating i sutim ol stret. Mipela i kilim ol olsem ol kalabusman i laik ranawe. Ol i pinis olgeta long han bilong ami bilong Bikpela bilong mi.

13 Bai mi singim wanpela nupela song long God bilong mi. Bikpela, yu moa yet. Namba bilong yu i win tru. Yu strong olgeta. Na i no gat samting inap long winim yu. Nogat.

14 Olgeta samting yu wokim pinis i mas stap anit long yu. Yu tok tasol na ol samting i kamap. Yu winim win bilong yu na wantu ol samting i kamap gutpela tru. I no gat wanpela man i ken sakim tok bilong yu.

15 Ol maunten na ol biksolwara i save seksek. Taim yu kamap klostu, ol draipela ston i save kamap olsem gris i wara nating. Tasol yu save marimari long ol man i bihainim tok bilong yu.

16 Switpela smel bilong ofa em i samting nating. Na gris bilong bulmakau ol i kukim long alta, em i pipia nating. Tasol man i bihainim tok bilong Bikpela, em i samting tru.

17 Wanem ol kantri i kirap i laik paitim pipel bilong mi ol i mas lukaut. Bikpela I Gat Olgeta Strong bai bekim long ol long De bilong Bikpela Kot. Em bai salim paia i go long ol, na ol liklik snek bai kaikaim sking bilong ol. Na bai ol i karim pen na kra i oltaim."

**Pinis.**

# Tokman Bungim Pop



*Nupela Pater Robert Lak bilong ples Wurup klostu long Hagen i kisim tok gude long Pop Jon Pol long bikpela haus lotu long Rom.*

**LONG** namba wan de bilong mun Julai, Pop Pol Namba Tu, hetman bilong Katolik Sios, i bin welkamim namba wan tokman bilong Gavman bilong Papua Niugini long

het opis bilong em long Rom

Nem bilong tokman, em i Mista Pita Ipu Peipul. Mista Peipul em i bilong lalibu long Saten Hailans. Bipo em i pablik sevis komisina. Em i bin winim Yunivesiti bilong Papua Niugini na

bihain em i go stadi long Amerika. Em i save sindaun long kantri Beljam na i makim PNG long bikpela lain kantri i stap long grup EEC long Yurop.

Em hia sampela hap tok, Pop Pol i bin mekim long Mista Peipul, long taim em i bungim em namba wan taim:

"Mi hepi tru long lukim yu sanap nau olsem bikpela tokman bilong Papua Niugini hia long hetkota bilong Katolik Sios. Ating dispela nau i strongim moa moa yet dispela bris i stap namel long tupela kantri bilong yumi.

"Mi yet mi bin go lukim Papua Niugini long ai bilong mi. Em long taim mi bisop bilong biksiti Krakow long kantri Polan. Mi bin lukim ol naispela samting long kantri bilong yu, na mi save tingting planti long ol wok na wari bilong pipel bilong yu.

"Papua Niugini em i nupela kantri. I no longtaim bipo na em i kisim independens. Na mi belgut long lukim, konstitusen bilong yupela i bihainim ol as-tingting bilong Kristen relisen. Em Kristen relisen ya, planti pipel bilong Papua Niugini i

bin skul long en na i bihainim nau. Ol dispela Kristen tingting inap stiaim kantri gut na helpim ol pipel i sindaun isi na i kisim gutpela stia.

"Mi amamas long harim yu tok olsem, Katolik Sios i wok long helpim ol Papua Niugini long go het long olgeta kain we - long skul na helt na lotu na olkain developmen. Planti misineri bilong ol longwe ples i bin kam mekim wok insait long kantri bilong yu. Ol i no wok long kisim pe. Nogat. Ol i wok tasol bilong sanapim Sios gut insait long kantri na givim em long han bilong ol lokal pipel tasol.

"Mi pre bai Gavman bilong yupela i ken oltaim skelim gut dispela wok bilong Sios, em wok bilong helpim olkain pipel long olkain gutpela we. Na Gavman i no ken pasim rot bilong dispela wok, tasol i mas poromanim Sios long dispela wok gohet.

"Wantaim moa mi blesim olgeta pipel bilong Papua Niugini. Mi pre bai God i ken stiaim yupela gut long bungim ol nupela aidia wantaim ol tingting bilong bipo, olsem bai yupela i ken win tru."

## Sande lotu

Frank Mihoff

SANDE NAMBA 23 BILONG YIA 5 Septemba 1982 (Mak 7: 31-37)

Long wik i go pinis yumi bin tingting long toktok bilong Jisas i soim olsem, olkain tambu bilong relisen yumi save holim nating em i samting nating. Insait bilong bel, em i bikpela samting long onaim God. Long dispela wik yumi laik tanim dispela aidia liklik. Yumi laik tok olsem: insait bilong bel na tingting na spirit em i namba wan samting long lotu na relisen na onaim God. Tasol ausait bilong yu i mas wok wantaim. Ausait i mas soim insait bilong yu.

Long laip bilong yumi, planti taim yumi save mekim o yusim wanpela samting long ausait, bilong soim tingting na mining bilong bel bilong yumi. Sapos yumi droim han tambu long wanpela dua, em i min wanem? Em i bilas nating? Nogat. Em i min: yu stap long we, yu klia long hia. Yu no ken kam insait. Sapos mi bikmaus tru, em i min wanem? Em i min mi bel isi o belhat? Sapos mi smail o lap liklik, bai ol pikinini i ranawe o ol i kam klostu? Maski plisman is stap longwe. Sapos draiva i kamap long wanpela sain i tok "Stop" long arere bilong rot, dispela sain em i tok pilai tasol bilong plisman o em i wanpela tambu bilong go het? Olsem na yu lukim: sain nating i soim tingting bilong plisman.

Olsem tasol long dispela stori bilong tude, yumi lukim Jisas i yusim kain kain samting bilong stretim sik bilong wanpela man i aipas na i yaupas. Jisas i no nidim ol dispela samting. Em i God. Em i strong olgeta. Em i ken tingting tasol na wanpela mirakel i ken kamap. Tasol nogat, tude em i lukluk i go antap long heven. Em i spet na i putim pinga long tang bilong sikman. Em i mekim strongpela kra i. Em i putim pinga insait long yau bilong man ya.

I wankain long yumi tu i mekim wok bilong God, long taim yumi mekim lotu. Long taim yu pre long haus bilong yu na

rum bilong yu, maski. Yu bihainim laik bilong yu.

Olsem Jisas i tok long wanpela ples long Gutnius, yu pasim dua na yu beten long bel bilong yu tasol. Em i orait. Tasol lotu em i narakain samting. Lotu i min, planti manmeri i bung wantaim long onaim God. Na long dispela kain taim na ples, ausait bilong ol i mas soim gutpela tingting bilong insait. Olsem na long taim bilong bung na pre wantaim, sampela i save pasim han. Sampela i nildaun. Sampela i sanap. Sampela i mekim mak kruse. Olgeta dispela i pas gut long pasin lotu.

Long sampela Kristen sios ol i gat ol sakramen. Na wanwan sakramen tu i gat sampela sain yu ken lukim. Na dispela sain i makim blesing i kam insait long spirit bilong man. Wara bilong baptais i no wasim ausait tasol. Bret na wain bilong oikaristia em i no kaikai bilong bodi tasol. Jisas yet i bin bihainim dispela lo na em i yusim samting bilong ausait bilong givim blesim i go long insait bilong manmeri.

Relisen i stap long insait bilong yu tasol, em i no soim arapela man yu onaim god. Nogat. Eem i samting hait. Yes, planti gutpela samting i stap insait long spirit. Olsem laik na pasin hepi na pasin bel isi na pasin sori. Tasol yumi save soim ol dipela samting long pes na ausait bilong yumi.

Bodi na spirit, tupela wantaim i save poroman long mekim gutpela pasin na pasin nogut. Bilong dispela, long las de bai God i singautim bek bodi bilong yumi i bin dai pinis longtaim bipo. Bodi wantaim sol bai sanap long bikkot. Bodi na spirit bilong sampela manmeri bai winim heven. Na bilong sampela arapela, bodi wantaim spirit bai planim long bikpaia o hel. Yumi no bodi tasol. Yumi no spirit tasol. Yumi tupela wantaim.







# Ol PLO Lusim Lebanon



**BEIRUT, LEBANON OGAS 19** - Difens Minista bilong Israel, Ariel Sharon na Meja - Jeneral, Yehoshua Saguy (lephan) i kibung wantaim sampela Ami Opisa bilong Israel. Ol i toktok wantaim Mausman bilong Amerika, Philip Habib, long rausim rebel paitman bilong PLO long Beirut.



**BRISNDISI, ITALI OGAS 21** - Ol soldia bilong Itali i tromoi han long wanpisin bilong ol na kisim sip i go long Lebanon. Ol i go bung wantaim ol soldia bilong Frans na Amerika na stapim woa long Lebanon.



**BEIRUT, LEBANON OGAS 21** - Ol Palestain rebel paitman i amamas long lusim Lebanon. Ol i karim gan wantaim piksa bilong PLO (Palestain Libaresesen Oganaisesen) Lida, Yasser Arafat. Olgeta i mas kalap long sip na lusim Lebanon hariap. Sapos nogat bai woa i kamap gen namel long ol na Israel.



**BEIRUT, LEBANON OGAS 20** - Dispela yangpela manki bilong Palestain i sindaun na sori long haus bilong em. Papamama bilong em i stap yet tasol olgeta samting bilong ol i pinis. Balus bilong Israel i bin tromoi bom na bagarapim ples bilong ol.



**BEIRUT, LEBANON OGAS 21** - Ol soldia bilong Palestain i tok gut bai long wanpisin na lusim ples i go. Ol bai go long Saipras na ol arapela Arab kantri. Olsem na dispela papa i sekanim liklik pikinini meri bilong em.



**BEIRUT, LEBANON OGAS 21** - Ol soldia bilong Frans i was long Beirut Haba Bris, taim ol lain PLO i kisim olgeta samting na lusim Lebanon.



**BEIRUT, LEBANON OGAS 19** - Liklik meri i wok long salim niuspepa na kaikai long bikrot insait long Wes Beirut. Woa i pinis na ol manmeri i no pret moa long wokabaut i go i kam.



# Mipela I Gat Bikpela Wari

Sevese i stap. Ol i wok long harim ol singsing sori na lukluk long ol manmeri husat i gat toktok long mekim i go long famili bilong Sevese.

Long taim ol wantok bilong Sevese i laik karim bodi bilong em i go long haus lotu bilong Yunaitet Sios, long Vabukori viles yet, mama na meri bilong Sevese i bin kra i nogut tru.

Ol man husat i sanap klostu long rot i harim na planti i tok, "Tru tumas ol i gat bikpela wari tru long lusim dispela gutpela man." Em i tru long wanem, nek bilong dispela tupela meri ya na ol arapela manmeri tu i go daun olgeta. Na ol i painim hat tru long kra i.

Long insait long haus lotu, long taim Bisop Gaseka Gaseka i mekim lotu long bodi bilong Sevese, ol pipel bilong Vabukori viles i



Ol soldia i sambai ausait long haus lotu long Vabukori viles na wetim bodi bilong Sevese Morea.



Sevese Morea

singim wanpela song long tok Motu. Dsipela song ol i singim long wanem, Sevese Morea i laikim dispela song tumas na olsem long taim em i amamas, em i save singim wantaim ol pren na wantok bilong em long Vabukori.

Kain kain manmeri i kamap long soim wari bilong ol na long tok sori long famili bilong Sevese. Planti ol memba bilong palamen tu i kamap long dispela taim. Ol soldia i sanap lain long rot, stat long matmat na go olgeta long haus lotu we bodi bilong Sevese i bin go long en.

Moa long 1,700 manmeri i kamap. I no kaunim ol skul pikinini na liklik manki.

Dispela man husat nau i slip long bokis matmat, i bin mekim planti samting long helpim ol



Meri bilong Sevese i haitim pes bilong em long blakpela laplap. Em i nogat strong long wokabaut. Na tupela wanpisin meri i holim em i go.

yangpela manmeri long stretim sindaun bilong ol. Na nau ol manmeri i wok long tok, "Sevese mipela i no inap long soim amamas bilong mipela long olgeta hat wok yu bin mekim long oraitim sindaun bilong mipela."

Sevese i bin mekim wok bilong redio anaunsa long ABC na bihain NBC. Oltaim ol pipel bilong PNG i save harim em i ridim nius long Tok Pisin, Inglis na Motu. Em i

pes man bilong PNG long ritim nius long Tok Inglis. Bihain em i lusim NBC na kamap wanpela memba bilong palamen. Na em i kamap spika bilong haus palamen long taim Chan na Okuk i kisim gavman.

Sevese i gat 5-pela pikinini. Tupela i bilong em stret na tripela em i kisim na lukautim. Ol i planim em long Trinde apinun wantaim plak bilong PNG antap long bokis matmat bilong em.

AI bilong ol pipel i hevi. Long tupela de olgeta ol i no slip. Ol kra i stap.

Ol lapun i sindaun tasol long haus slip bilong ol. Oltaim ol i putim yau long hap ples we bodi bilong Sevese Morea i stap. Na taim ol manmeri husat i sindaun arere long bokis matmat we bodi bilong Sevese i stap i kirapim singsing sori, ol lapun long haus tu i save singsing wantaim na kra i.

Planti ol manmeri bilong Vabukori viles stret i putim ol siot em ol i raitim "Votim Sevese Morea - 1982." Nau ol i wari tru, long wanem Sevese Morea i no inap stap wantaim ol moa.

### Benny Bogg

Tru tumas inap long 37 yia Sevese i bin stap olsem pren na wantok bilong ol dispela manmeri. Na nau em i lusim ol.

Ol yangpela man, em i bin bung long liklik liklik grup long arere long ples we bokis matmat bilong



Tupela pasto bilong Yunaitet Sios i mekim beten klostu long bokis matmat bilong Sevese. Pasto Vaviu Kara long lep na Jack Daure long han sut.



Planti manmeri i sori tru long dai bilong Sevese. Em ya wanpela meri bilong ples Vabukori i sindaun sori i stap.





Wantok  
**Spot**

Namba 73 - 28 Ogas, 1982.

*Man, namba 10 yu no pret. Bal i no inap kaikaim yu. Lousiade yu mas trong bai yu kamap long painal.*



*Manoi Pokiap bilong Sunam na Joe Uru bilong Bismak i resis long kisim bal. Jason Holland na Chauka Chakumai i stap long baksait. Tupela tim i dro, 0-0.*

**Insait:**




**Sentral  
Netbal  
Kanival**



**Tarangau  
Planim GFC**



# Sentral Netbal Kanival



Sempion senta bilong Taikone (blak/wait) kaikai tit na traim winim bal long senta bilong Keapara. Tasol Keapara i no lain nating. Ol i trai hat na kisim tropi bilong kamap sempion B gret tim insait long Sentral Provins.

**LONG** bikmoning tru long Sarere, Ogas 21, Boroko Netbal graun i pulap tru long ol meri tasol.

Na long 7 klok stret, moa long 800 meri olgeta i go pas insait long ples pilai. Dispela ol meri em ol pilaia bilong ol netbal tim insait long Sentral Provins. Ol i kam resis long kamap insait long gren painal.

## BEN WAUNS

I gat 58 tim olgeta i kamap long dispela resis. Sampela tim i kam long Masal Lagun, Bereina, Rigo na sampela i bilong ol ples klostu long Mosbi Siti. Dispela yia em i namba 6 taim bilong ol tim bilong Sentral Provins long kam bung wantaim na pilai.

Long 8 klok i go inap long 9 klok olgeta tim i lain-ap na wokabaut mas. Man! Kain kain yunifom na kain kain kala bilong wan wan tim i nais tru. Ol komiti na tupela meri jas, i hatwok tru long makim wanem tim i win long mas.

Yu save. Ol meri yet i putim dispela gren painal resis, ol i lukautim pilai na givimaut Tropi na ol prais. Planti bilong ol dispela meri long komiti, i save makim PNG long ovasis na Saut Pasifik Gem.

Bihain long dispela resis bilong wokabaut mas, Spika bilong Sentral Provinsal Gavman, Mista Abau Gabina i givim sotpela tok amamas na welkam long olgeta manmeri. Na pilai i stat long hap pas 9 long moning. Dispela 12-pela netbal kot long Boroko i pulap tru long ol meri tasol. Wan wan man i bin kamap na sapotim tim bilong ol. Ankal Bill tu i sambai long

saitlain na sapotom Boroko Netbal tim.

Long 12 klok stret belo i krai na olgeta tim i kisim malolo i go inap long 1 klok long apinun. Bihain pilai stat gen i go inap long 4 klok. Draisela san tu na tuhat i no pilai pilai. Olsem ol manmeri i salim ais blok na kaikai i pulim bikipela mani tru. Ol stuakipa bilong Netbal Asosiesen tu i kisim bikipela mani long kain kain kaikai ol i bin salim.

Dispela bikipela pilai i pinis stret long hap pas 4 long apinun. Pilai inap pinis long 4 klok, tasol i gat planti tim tumas na ol i skruim taim i go longpela liklik. Olsem na Komiti bilong lukautim pilai i toksave long olgeta tim i pilai gen long Sande, Ogas 22.

Long 8 klok moning, Sande Ogas 22, olgeta meri na man i lotu insait long Boroko Netbal Kot. Patron bilong Sentral Provins Netbal Asosiesen, Margaret Gabina i lukautim lotu. Bihain Presiden bilong PNG Netbal Federesen, Veitu Rumery i tok save long ol meri na tokaut long program bilong pilai.

Sentral Provins Prima, Mista Rima Nau i bin kisim toksave long kamap long dispela bung. Tasol em i no kam. Long wanem em i go long Vabukori Viles na sori long Sevese Morea husat i bin dai long Sarere moning.

Long 9 klok olgeta tim i kisim ples long wan wan kot na pilai. Long dispela taim, 29 tim tasol i kamap long pilai. Sampela i bin lus na ol i no inap pilai. Bihain gen dispela namba bilong ol tim i go daun gen.

Ol i pilai yet i go na 8-pela tim tasol i strong

yet. Na bihain 6-pela tim tasol i stap yet. Long dispela taim, poin bilong tripela Boroko tim, 'A', 'B' na 'C' gret i moa yet winim ol nara-pela tim.


Belo i krai gen long 12 klok na ol pilaia, sapota na ol komiti wantaim ol reperi i malolo. Long dispela taim, ol hetmeri bilong sampela tim i komplek. Ol i no amamas tumas long lukim tripela tim olgeta bilong Boroko i wok long winim pilai.

Komiti i skelim dispela toktok i go i go na het i pren. Olsem na ol i autim dispela tripela tim. Na sampela tim i stap aninit long ol i kisim ples.

Long 'A' gret ol i makim Kalo wantaim Keapara, 'B' gret em Keapara na Taikone na 'C' gret em Kalo na Kapari Vilioro. Em ol dispela tim bai pilai long gren painal. Kalo i winim Sil bilong 'A' gret. Keapara i kisim Sil na ol gol medal long 'B' gret na Kalo 'C' gret gen i kisim sil na medal.

Tarangu Boroko tim i kisim Tropi tu. Ol i stap namba wan long poin lata.

i go moa long pes 3



Yu save kain kain stail i kamap long taim ol meri i pilai netbal long Sentral Provins Kanival. I no ol yangpela tasol i gat namba.



Em Bereina ya, tu gut!!! Ol i tok, "Mipela i no krungukim Hiritano Dasti Haiwe nating. Mipela i gat nem na mipela i kam trai lak. Olgeta tim bilong ol i lus. Tasol olgeta pilaia bilong ol i poroman gut na harim tok bilong ol komiti na reperi. Na ol bihainim lo bilong pilai netbal. Olsem na ol i winim dispela bikipela tropi tru.



# PHANTOM

COMIC

Diana i wet long maritim Pantom. Tasol mama bilong em i no laik. Em i tok sapos Pantom i rausim dispela bilas bilong em orait em i ken maritim Diana. Bai Pantom i mekim wanem nau? Painimaut long Pantom komik 741.

NO 741





Oo-o-ohhh!!! sori tumas, traim gen. Ol pilaia bilong Kalo i traim kisim bal long meri Kapari Viriolo. Kalo i trai hat na kamap Kwin bilong C gret netbal insait long Sentral Provins. Na Kapari Viriolo i kisim namba tu prais.



Top gol suta bilong Kalo, i kisim tropi wantaim 10-pela gol medal long han bilong Rita Flynn. Rita em i wanpela jas i lukautim Sentral Provins Netbal Kanival las wiken. Lydia Mulina i helpim em long givimaut ol prais.

## Sentral Netbal Kanival

i kam long pes 2

Tropi bilong namba wan yunifom i go long Taikone tim. Na Kamali i autim tupela bal long winim Wokabaut Mas. Bereina i karim bikpela Sil long soim smatpela pilai. Na wan wan meri long wan wan tim nabaut i kisim tropi na kain kain prais.

Sampela i kisim ol

prais bilong pilai gut, tok skora, namba wan difenda na ol arapela kain prais. Misis Rita Flynn na Mrs Fisher Amini i wok long givimaut ol prais. Bihain Mista Abau Gabina i givim toktok long olgeta manmeri i kamap long Namba 6 Netbal Gren Pinal bilong Sentral Provins.

Bihain long dispela,

Veitu Rumery i tokaut long nem bilong ol meri husat bai makim Mosbi long Nesenel Sempion-sip insait long Goroka. Na tu em i givim bikpela tenkyu i go long Rita Flynn, Kari Kapani, Edoa Moide, Lydia Mulina, Pala Iga, Pole Kassman na olgeta tim na ol meri i kamap lukluk long dispela bikpela pilai.



Wanem nau ya? Ol i kilim pik o wanem? Nogat. Ol meri yet i sindaun na mangalim smatpela pilai netbal. Boroko Netbal Kot i pulap tru long las wik Sarere na Sande. Ol manmeri i kamap long lukim planti netbal tim long Sentral Provins i resis long kamap Netbal Kwin bilong yia 1982.



Em stail bilong Kamali Golo Valivana. Wasmeri bilong Kamali netbal tim i karim dispela tupela bal. Dispela em i spesel prais bilong winim wokabaut mas wantaim smatpela yunifom.



Yu moa yet Koloa! Insait long Sentral Provins Netbal Kanival, Koloa i kisim tropi long kamap namba wan gol suta long 'A' gret netbal. Koloa i bilong Kalo netbal tim.



# Tarangau I Stap Long Namba 5 Ples

**LONG Sarere Ogas 21, GFC na Tarangau i bin putim kamap wanpela gutpela soka pilai long Bisini graun 2.**

Plantim manmeri i bin tok olsem dispela i wanpela gutpela pilai tru ol i bin lukim. Ol i tok olsem Tarangau i mas makim PNG na go long ol ovasis kantri na pilai soka.

Tasol Kosa bilong GFC Mark Basausau, i no amamas tumas long dispela pilai. Long taim pilai i stat, em i ting strong tru olsem dispela bilong em i mas winim Tarangau. Em i tok, "GFC i mas winim dispela pilai long wanem. Ol i laik stap antap bilong lata bilong Mosbi Primia Soka."

Tasol tarangu, long dispela nokaut gem. Tarangau i autim GFC 3-0. Nau GFC i lus

pinis long go insait long painal na bai ol i wetim neks yia long kam insait gen long soka sisen.

Pilai namel long tu-pela tim ya i no isi. Tu-pela tim wantaim i pait hat tru long autim arapela. Ol pilai bilong GFC i soim olgeta pawa bilong ol. Tasol ol Tarangau pilai i stapim ol long putim gol.

## Benny Bogg

Long pes hap, namba wan gol i kam long Robert Popat. Robert Popat i wanpela pilai bilong PNG Nesanel Tarangau. Em i tok, "GFC i mas winim dispela pilai long wanem. Ol i laik stap antap bilong lata bilong Mosbi Primia Soka."

man bilong straikim bal ya. Tasol kik bilong em i no gutpela tumas. Bal i skrapim sait bilong goli pos na go arere.

Long seken hap, goli i kam long Robert Popat gen. Ol pilai bilong Tarangau i amamas tru long namba tu gol na ol i pilai strong moa.

Bihain tasol long dispela namba tu gol, arapela gol ken i kam long wanpela beklain pilai bilong Tarangau. Pilai ya em David Kamba. David i save holim pas gut mak bilong Tarangau, olsem na nogat gol i go insait.

Bihain long namba 3 gol, ol pilai bilong GFC i wari tru. Kosa bilong GFC i wok long striaka bilong Tarangau. Long namba wan hap yet, wanpela straike bilong GFC, Julius Posing i hamaim wanpela gutpela kik i go long gol. Julius i wanpela hap

Tasol ol Tarangau i



Yupela tripela i oke o olsem wanem? Maski pret long bal ya! Pilai bilong GFC i wokim long pretim bal na ol Tarangau i hambak moa yet. Tarangau i wikwilim stret GFC, 3-0.

wok long luk smat yet na amamas long pilai moa.

Long klostu long pinis bilong pilai, goli bilong GFC, Bernard Kila i laik kikim bal na em i kisim bagarap. Fred Bukoya i bin senisim em na sanap goli.

Tarangau i traim yet long putim wanpela gol moa tasol painal wisil bilong reperi, Steven Pouru, i pinisim dispela gem. Painal skoa i stap olsem, Tarangau 3 na GFC 0.


Tru tumas ol GFC i lus olgeta nau na ol

Tarangau i amamas tru long go insait long painal bihain long 6-pela wik. Olgeta pilai bilong Tarangau i amamas tru, tasol Kivi Forfin i wari nogut stret. Kivi i tok, "Sapos lek bilong mi i no bruk, mi tu inap long helpim Tarangau long putim wanpela gol. Mi wari long wanem, mi lukim ol wanpela bilong mi i pilai na mi no inap long mekim wanpela samting. Long wanem simen i stap long lek bilong mi."


Kivi Forfin i tok, "Mi brukim lek bilong

mi long Jun 13 long GFC soka graun. Long dispela taim mi bin pilai long Mosbi tim na mipela egensim tim bilong Goroka. Long pes hap yet, 15 minits bihain long kik-op mi bungim lek wantaim wanpela fowat pialia bilong Goroka na bun bilong mi i bruk."

Kivi Forfin i wanpela strongpela senta fowat bilong Tarangau. Em i tok, bihain long ol dokta i katim simen long lek bilong em, bai ol man i lukim em gen long soka graun.



Oloboi!!! Wanpis Tarangau ya i moa yet! Em i kalap winim tripela pilai olgeta bilong GFC na hetim bal i go long mak. Em nau, Tarangau i autim GFC 3-0.



Hariap liklik GFC, yu save pinis Tarangau i redi long hukim bal na ranawe.



He-i-iii!! Yu husat? Muruk o wanem samting? Dispela fulbek bilong GFC i laik skrapim bel bilong ol Tarangau tasol. Bal i ran kranki liklik na brukim net bilong GFC yet tripela taim olgeta.



Hei, Tarangau, yu aipas o? Maski kikim man long baksait. Nau em 1982, i no Wau-Bulolo long 1942. Dispela pialia bilong GFC i pilim pen na i no ran gut. Olsem na Tarangau i memeim ol, 3-0.



Kaman Tarangau namba 12! Man, em i no asua. Bal i sut stret i go long mak bilong GFC. Golkipa i kirap nogut na net i seksek long baksait. Tarangau i nilim GFC, 3-0.



Maski guria nating! Em yutupela poroman yet ya!!! Kisim bal isi tasol i go na brukim net bilong Tarangau. Tupela i abrus na ol fowat bilong Tarangau i brukim net bilong GFC tripela taim olgeta.

## MOSBI SOKA DRO

SARERE 28 OGAS 1982

Taim Gret	Tim	Reperi
12 30	3rd Livapul V Sunam	Kemi
2 15	3rd BunBun V KadaKada	Udia
4 00	3rd Faze V K S	Mais
<b>DIFENS</b>		
12 30	2nd Semnari V Kep Wut	Don
2 15	2nd Stone Axe V	Wesena
4 00	2nd Kesebo V R Kumul	Sapek
<b>BISINI 1</b>		
12 30	U19 Guria V GFC	Kepi
2 15	U19 Mopi V Luteran	Mango
4 00	Prim Guria V GFC	Liosi
<b>BISINI 2</b>		
12 30	Prim Tarangau V Korion	Kalai
2 15	Prim Mopi V Luteran	Ley
4 00	Prim Kiriwina V R Kumul	Samol
<b>NOMADS</b>		
12 30	1st K'navau V Kula	Manoi
2 15	1st Ilimo V Luteran	Raka
4 00	1st Waiya V Mungkas	Molean
<b>ADKOL 1</b>		
12 30	4th Kunta V Goketa	Mata
2 15	4th Katumani V Mopi	Panga
4 00	4th Vaira Bros V PNGDF	Reve
<b>ADKOL 2</b>		
12 30	4th Sogom V Sabam	Mela
2 15	4th Gomba V Movei Bros	Warap
4 00	4th Rapotona V STS Bros	Mata

## SANDE 29 OGAS, 1982

Taim Gret	Tim	Reperi
12 30	3rd Tarangau V Togelu	Sapek
2 15	3rd Yuni V R Kumul	Rinbi
4 00	3rd KE Isusu V Maegin	Kemi
<b>STADIUM 2A</b>		
1 00	Meri Waiya V GFC	Manoi
2 15	Meri Leusade V Luteran	
3 30	Meri Togelu V Rapotona	
<b>STADIUM 2B</b>		
1 00	Meri Kula V Kep Wut	
2 15	Meri Sunam V Tarangau	
3 30	Meri Yuni V PNGDF	
<b>DIFENS</b>		
12 30	2nd GFC V Jevaha	Molean
2 15	2nd Kapit V Baba	Mango
4 00	2nd Guria V A.N.G.	Mais
<b>BISINI 1</b>		
12 30	U19 Sunam V Tarangau	Raka
2 15	5th Amuyawah V Sesekrnzia	Don
4 00	Prim Rapotona V Kunta	Moule
<b>BISINI 2</b>		
12 30	U19 Sogeri V Yuni	Kepi
2 15	Prim Tarangau V Sunam	Rademach
4 00	Prim Korion V Yuni	
<b>NOMADS</b>		
12 30	1st Semnari V Amosana	Kaki
2 15	1st Togelu V PNGDF	Warap
4 00	1st Tatana V Maegin	Manoi
<b>ADKOL 1</b>		
2 15	5th Kapit V LSC	Reve
4 00	5th Waiya V Elcom	Reve
<b>ADKOL 2</b>		
12 30	5th Tanubada V YMCA	Mela
2 15	5th Mida Rua V Pistom	Panga
4 00	5th Kiriwina V Korion	Udia

## WEWAK SOKA DRO

SARERE OGAS 28, 1982

TAIM	TIM	REPERI
<b>U19 DIVISEN</b>		
9.00	Luteran V Guria	Wullet - G-A
9.00	Kipes V Wullet	Is Wes - G-B
10.15	Difens V Wama	Guria - G-A
10.15	Passam V Is Wes	Kipes - G-B
<b>1ST DIVISEN</b>		
11.45	Olgeta gem graun B	
1 00	Difens V T'ngau	Guria
2 15	Kipes V Passam	Wama Utd
3 30	Posinu V Brandi	Difens
4 45	Is Wes V Is Wes	Sunam
	Guria V Wama Utd	T'ngau
<b>Primia Divisen</b>		
1 00	Olgeta gem Graun A	
2 15	Wama Utd V Sunam	Passam
3 30	Guria V Wullet	T'ngau
4 45	Difens V T'ngau	Wullet
	Passam V Luteran	Guria
TIM BYE 1st Sunam		



# Ol Meri Hatim Yet



Oiyo ating het bilong pren ya i pen olsem na em i pasim ai bihain long em i hetim bal.



Taim ol meri bilong Kep Wud na Waliya i bin pilai, pren ya i no lukluk long bal. Ating em i laik sutim gol o olsem wanem.

**I NUPELA...I SWIT MOA...EM...**

**MONSTER  
MUNCH**



OL I WOKEM LONG SIS  
NA EM BAI SUTIM STRET  
LEWA BILONG YU. YU KEN  
KAIKAI ENITAIM - MONING  
AVINUN O NAIT.

**SAPOS YU LAIK STAP STRONG  
YU MAS KAIKAIM OL KAIN KAIN GUTPELA KAIKAI NA TU PLANTI SAYOR NA PRUT.**



# Redi Nau Long Painal

LONG las wiken, planti ol tim i bin win long fofit o dabol fofit. Dispela long wanem, planti ol pilaia i bin les na i no kamap long pilai.

Long A gret bilong ol man, Konepoti i bin winim ol Yuni 6-2. Ol Konepoti pilaia, husat i pilai gut tru long stapim bal na pulim i go na putim gol, em Wari Kini, Kanau Simon, Gima Temu na Puri Mao.

Vali Anari bilong Konepoti tu i bin pilai gut tru long putim gol. Allan Hebei na David Arua i no inap tru long em taim i pulim bal i go long gol.

Ol 6-pela gol bilong Konepoti i bin kam long namba wan hap. Ol Yuni i bin putim gol taim Andy Taiya i kisim penalti gol na wanpela bihain long fil gol.

Na ol man husat i kamap long lukluk long dispela pilai i tok, "Kepten bilong Yuni i no laik tingting hariap na senisim Andy Taiya long pilai fulbek. Na tarangu, David Arua wanpela tasol i trai hat tru long stapim bal



Roslyn bilong Magpies i redi long kisim bal. Ating Caroline bilong Sunam i les long pilai na em i pasim ai i stap.

long ol gol suta bilong Konepoti.

Long Wimens A gret, Sunam i kaikaim stret ol Magpies 6-0. Tuman Kaihai bilong Sunam i bin wari tru taim tripela pilaia bilong ol i no kamap. Na em i senisim ol long 3-pela B gret pilaia. Tasol wari bilong em i

no stret. Long wanem, ol i pilai gut wantaim ol A gret. Ol i tok, "Dispela em i namba-wan pilai olgeta."

Sama Arua bilong Magpies i pilai gut tru long senisim ples bilong Pat Kavanamur husat i no kam. Tasol Paula bilong Sunam i tekelim em gut tru. Long dispela pilai, tupela tim wantaim i bin kisim ol B Gret meri. Tasol ol Magpies i no inap tru long brukim banis bilong ol Sunam long putim gol.

Long Wimens B Gret, Nomads i bin winim ol Bismak 1-0. Dispela i mekim ol Nomads i kirap nogut tru. Ol i ting bai ol i ken winim ol isi tru. Alofa Vaki, Ettine Mave na Josepine Kanawi i bin pulim bal hariap tru long ol Bismak long sutim gol. Nialin Straube bilong ol

Bismak tu i bin pilai gut.

Dispela gem i soim olsem sapos ol Bismak i laik winim ol Kapits long semi painal, ol i mas pilai hat long 4, Septemba.

#### Man A Gret

Konepoti 6 - Yuni 2  
Sunam 0 - Bismak 0

#### Meri A Gret

Sunam 6 - Magpies 0  
PNGBC - Devel (fofit)  
Togelu - Sogeri (fofit)

#### Meri B Gret

Nomads 1 - Bismak 0  
Pom Hai 1 - Rokets 0  
Sunam - Rokets (fofit)  
Kapits 5 - Magpies (fofit)

#### Man B Gret

Konepoti - Pom Hai (fofit)  
Bismak - Difens (fofit)  
Everymans 2 - Sangrop 0

#### Semi Painal Septemba 4.

#### Meri A Gret

Sunam V SP Bismak  
Konepoti V 3M Yuni

#### Meri A

Sunam V Yunaited  
Sogeri V PNGBC

#### Man B Gret

Bismak V Konepoti  
Sunam V Everyman

#### Meri B Gret

Kapits V Bismak  
Nomads V Sunam.

### TOK SAVE

1. Ol pilai bilong ol meri i pinis long 21 na 22 Ogas.
2. Ol dro we i gat dispela mak, em ol pilai i no kamap long 15 Ogas.
3. Semi painal long ol tim bilong ol man na meri bai kamap long 4 Septemba.
4. Painal bai kamap long 11 Septemba.
5. Gran painal bai kamap long 18 Septemba.

### HOKI DRO — WIK 15

Sarere, Ogas 28 1982  
Stedium 2 - Graun 1

12.30	Sandrop B V Kone	Man	Rongap/Pamb
1.40	Sunam B V Difens B	Man	Rongap/Hebei
2.50	Bismak A V Yuni A	Man	Wari/Poki
4.00	Sunam A V Kone A	Man	Clea/Hebei
● 9.10	E'man (B) V Bismak B	Man	Tapo/Rongap

### Stedium 2 - Graun 2

12.30	E'man (B) V Pom Hai	Man	Hebei/Poso
● 1.40	Sunam B V Magpies	Meri	Pamb/ Tapo
● 2.50	Sunam A V Devils	Meri	Kil: /Poso
● 4.00	Pom Hai V Sunam	Man	Pumb/ Chak

### HOKI

#### POIN LATA

TEAM	P	W	D	L	Goals	A	P
<b>MEN A</b>							
SUNAM	14	9	5	0	23	6	23
BISMARCK	14	7	3	4	28	14	17
KONEPOTI	14	3	4	7	18	29	10
3M-YUNI	14	1	4	9	11	32	6
<b>WOMEN A</b>							
SUNAM	11	11	0	0	37	2	22
UNITED (PL)	12	5	3	4	24	17	13
SOGERI	12	6	1	5	12	20	13
PNGBC	12	3	3	5	12	13	10
MAGPIES	12	2	3	6	8	22	8
TOGELU	12	3	1	7	12	24	7
DEVEL	11	2	3	6	8	20	7
<b>MEN B</b>							
BISMARCK	12	7	4	1	33	3	18
KONEPOTI	12	6	4	1	21	7	17
SUNAM	11	6	3	2	31	8	15
EVERYMAN	11	4	3	4	25	14	11
SANDBROOKERS	13	3	3	7	25	30	9
DELINCE	10	3	2	5	13	14	8
IRON HIGH	11	0	0	11	0	72	0
<b>WOMEN B</b>							
KAPITS	14	10	3	1	39	5	23
BISMARCK	14	10	3	1	33	6	23
NOMADS	14	10	1	3	22	10	21
SUNAM	13	8	1	4	32	9	17
ROKETS	14	4	2	8	9	16	10
SOGERI	14	3	1	10	9	25	7
IRON HIGH	13	2	0	11	3	37	4
MAGPIES	12	1	1	10	4	39	3



Peter Samol goli bilong Sunam i autim bal wantaim dispela pilaia bilong Bismak. Bismak luakut nogut tit i bruk.



Jane Kusunam bilong Sunam i no wari long husat meri i ran bihain long em. Ai bilong em pinis gol na em i redi long paitim bal i go insait.



Imong Brooksbank bilong Sunam i traim long pulim bal long meri bilong ol Magpies. Sunam i wilwilim gut tru Magpies 6-0. Imong i putim 4-pela gol.



# Vanimo Soka Semi Painal

NAMBA wan semi painal bilong Vanimo Soka Asosiesen bai kamap long 28 Ogas, long namba 1 na 2 oval long 2 klok long apinun.

Long Graun 1 i gat tupela gem. Wanpela em namel long Waromo wantaim Guria. Na arapela bai kamap namel long Momase na Difens. Dispela 4-pela tim i stap long A gret.

Long Graun 2, C/Brothers bai pilaim Waromo na Guria bai pilaim Lido. Ridim gut, Namba tu semi painal bai i go olsem. Wina bilong namba wan gem, A Gret Waromo na Guria, na B Gret, C/Brothers na Waromo, bai i go insait stret long gran painal. Tim i lus long pilai namel long A gret Waromo na Guria, na B Gret C/Brothers na Waromo bai pilai wantaim tim i win long ol namba tu tim long A

gret na B gret. Namba tu tim long A gret em Momase na Difens. Na long B Gret em Guria na Lido.

## Ist Semi Painal

### A Divisen

1. Waromo V Guria  
2. Momase V Difens  
Date 28 Ogas  
Taim 2 pm  
Namba 1 Oval

### B Divisen

1. C/Bratas V Waromo  
2. Guria V Lido  
Date 28 Ogas  
Taim 2pm  
Namba 2 Oval

Long Septemba 4 bai namba tu semi painal i kamap. Long dispela taim bai tupela tim husat i lus long A na B gret resis long kisim namba 3 pels long A na B gret long Vanimo Soka Asosiesen.

Gren painal bilong Vanimo Soka bai kamap long 11 Septemba. Sampela ol pilaia husat i tingting long holim gren painal inap long Septemba 16 i no ken tingting planti moa. Long wanem planti ol pilaia bai go long sampela hap long

taim bilong Independens wiken.

Sampela soka klap i no bin salim administresen fi i go long

Vanimo Asosiesen long ol pilaia bilong ol. Olsem na asosiesen i laik bai sasim ol long K50 sapos ol i laik go

insait long ol soka painal. Soka komiti i oraitim dispela long wanpela kibung bilong ol.



Ol plis i kisim dispela pilaia bilong agentina i goaut long ples bilong pilai soka. Bikpela pait i kamap na bagarapim pilai.

## POT MOSBI SOKA TRENING SKWAD (MAN)

**GURIA**  
1. Andrew Kori  
2. Andrew Waho  
3. Adam Wangu  
4. Francis Wabianik  
5. Francis Emmanuel  
6. Patrick Kiromat  
7. Michael Tiran

**RAPATONA**  
18. Chalapan Kaluwin  
19. Pierre Qaeze  
20. Thomas Banga  
21. Maso Salaiu

**SUNAM**  
8. Kanawi Popal  
9. Kanawi Pakop  
10. Kawetan Pambuai  
11. Ruben Tamah  
12. Malai Kekesan  
13. Willie Bera

**TARANGAU**  
22. Robert Popat  
23. Hilary Torea

**GFC**  
24. Simon Dobin

**KIRIWINA**  
25. Luke Dindillo

**KUNTA**  
26. Muaki Baboi

**KORION**  
27. Isack

## TRENING SKWAD BILONG MERI

Olgeta dispela pilaia bilong ol wimens soka klap i mas kam trening long Tunde 31 Ogas, long 5pm long Bisini Pared. Dispela em i wanpela trening skuad tasol. Na bihain long 3-pela wik bai ol i makim 22 meri. Husat ol meri i no kamap long trening long tupela taim bai i no inap stap long tim.

Emma Faiteli, Veronica Kekenai, Janet Kabi, Rachel Noah, Lynna Kaiu, Elisabeth Micah (Yunivesiti). Wado Bani, Boato Palo, Amato Diboga, Janet Tatika (Waliya). Bospidik Pilokos, Martha Kelep, Joycelin Siniu, Maine Kara (Rapatona). Nialin Carol, Carolyn Cholai, Imong Brooksbank, Kumaut Sulul, Molong Taita, Piuru Kisokau (Sunam). Anne Dobbin, Rose Bukoya (Kula). Jean Sikat (L.S.C.). Veronica Kawage (Tarangau). Jome Itete (Kep Wut). Hilda Petrus (GFC), one from Togelu yet to be selected.

## WEWAK SOKA

Hia nau em ol soka bilong ol gem i kamap las wik Sarere, Ogas 21.

### U19 DIVISEN

Wama Utd 0 - Is Wes 1  
Passam - Difens (fofit)  
Guria 2 - Wullet 1  
Kipes 2 - Yut 0

### IST DIVISEN

Posinu 0 - Is Wes (1) 2  
Sunam 3 - Is Wes (2) 0  
Guria 0 - Difens 1  
Kipes 2 - Wama Utd 0  
T'ngau 1 - Brandi 5  
Passam - BYE

### PRIMIA DIVISEN

Yut - Difens (fofit)  
Passam 1 - T'ngau 2  
Guria 0 - Sunam 1  
Wama Utd 5 - Wullet 4

## POIN LATA

### MOSBI SOKA

21 - 22 Ogas, 1982

### PRIMIA DIVISEN

TEAM	GAME	WIN	DRAW	LOSS	FOR	AGAINST	POINT
SUNAM	16	11	1	4	53	24	23
UNI	16	11	0	5	51	30	22
GURIA	15	10	1	4	56	32	21
RAPATONA	16	8	3	5	43	34	19
TARANGAU	14	8	2	5	38	28	18
KUNTA	16	6	5	5	27	29	17
GFC	16	7	2	7	33	34	16
L/YOUTH	16	5	3	8	23	31	13
Mopi	16	6	1	9	27	55	13
KORION	15	3	3	9	23	33	9
R/KUNTA	15	3	3	9	21	39	9
KIRIWINA	16	3	2	11	20	42	8

### IST DIVISEN

WALIYA	PLAYED	WON	DRAWN	LOST	FOR	AGAINST	PTS
16	13	1	2	6	66	31	27
PNGDF	16	12	2	2	45	28	26
TOGELU	16	9	2	5	44	31	20
SEMINARY	16	9	2	5	45	33	20
KULA	16	7	2	7	38	37	16
TATANA	16	8	-	8	43	45	16
KIVENAVAU	16	5	3	8	27	33	13
ILIMO	16	5	3	8	35	52	13
MAEGIN	16	5	2	9	55	53	12
AMOANA	15	4	1	10	30	47	9
MUNGKAS	15	4	1	10	30	47	9
YOUTHS	16	4	1	11	28	48	9

### 2 DIVISEN

TEAM	GAME	WIN	DRAW	LOSS	FOR	AGAINST	PTS	PLACE
15	9	4	2	3	34	19	22	1
16	8	3	5	3	32	25	19	2
16	6	6	4	3	32	28	18	3
15	7	4	4	3	30	20	18	4
16	7	3	6	3	34	29	17	5
16	6	4	6	2	23	24	16	6
16	5	4	7	2	26	32	14	7
16	6	2	8	2	25	27	14	8
16	4	5	7	3	32	37	13	9
15	5	3	8	2	27	30	13	10
15	6	3	7	2	28	32	13	11
16	3	5	8	3	32	39	11	12

### 4 DIVISEN

TEAM	P	W	D	L	F	A	PTS
RAPATONA	16	11	4	1	30	20	26
SIKOKA	16	9	2	5	26	25	20
KARUMANI	16	7	5	4	37	23	19
DUSDF	16	7	5	4	29	28	19
Sogon	16	7	4	5	27	26	18
MOUT BROS	16	6	5	5	37	34	17
SIS BROS	16	7	1	8	25	34	15
SABAM	16	4	6	6	25	28	14
KUNTA	16	3	7	6	19	31	13
WATA BROS	16	3	7	6	10	21	13
GOMBEI	16	4	4	8	28	21	12
Mopi	16	3	3	10	23	24	9

### 5TH DIVISEN

P	W	D	L	F	A	PTS	
Amoyana	16	10	3	3	27	15	23
LSC	16	7	4	5	44	19	22
WALUYA	16	8	5	3	27	20	20
FREYA	16	6	8	2	24	22	20
WALUYA	16	8	3	5	34	33	19
WALUYA	16	5	4	7	14	12	17
WALUYA	16	7	2	7	27	28	16
WALUYA	16	8	1	7	24	22	16
WALUYA	16	4	5	7	20	24	15
WALUYA	16	4	3	9	20	20	11
WALUYA	16	3	1	12	16	27	7
WALUYA	16	1	3	12	18	40	5

### U19 DIVISEN

P	W	D	L	F	A	PTS	
Sogeri	14	10	3	1	48	17	23
Sunam	15	9	5	1	44	24	23
Guria	14	8	3	3	29	19	19
Uni	14	8	2	4	36	17	18
Wak Youth	14	7	3	4	29	23	17
Korta	15	6	3	6	39	30	15
Kiriwina	15	4	3	8	22	30	11
Mopi	14	4	2	8	19	34	10
GFC	15	4	1	10	33	39	9
Tarangau	14	2	2	10	20	42	6
Pom Tech	14	2	1	11	12	56	5

### OL MERI

TEAM	GAME	WIN	DRAW	LOSS	FOR	AGAINST	POINT
WALIYA	16	13	2	1	62	10	28
SUNAM	16	12	1	3	34	10	25
RAPATONA	16	11	2	3	52	17	24
UNIVERSITY	16	10	3	3	42	19	23
KULA	16	9	3	4	24	13	22
TOGELU	16	6	5	5	27	28	17
PNGDF	16	6	4	6	35	31	16
LOUSTABE	16	3	5	8	8	34	11
TARANGAU	16	4	1	11	7	37	9
GFC	16	2	4	10	11	31	8
LUTH YOUTH	16	2	1	13	13	44	5
CAPENWOOD	16	1	2	13	8	46	4

## PORT MORESBY SOCCER ASSOCIATION INC. BY-LAWS OF THE ASSOCIATION

1. Any player of any team will not play more than one game in one week unless involve in a catch up match.

2. A player shall not transfer from one club to another club without the final authority of the Executive Committee of the PMSA.

3. A player shall not play for a team that will take part in the finals of a season unless the player has played a minimum of four games with the team. Finals mean the semi-finals, preliminary and grand finals.

4. A player shall not play or take part in any national or international competitions or any other championships sponsored by the PMSA whilst under a suspension.

5. A player under suspension for life shall not under any circumstances take part in a competition where sponsored or not sponsored by the PMSA.

6. Team officials are to make sure that team sheets are fully completed before the commencement of any matches. Teams who failed to produce completed team sheets will be liable to disciplinary charges.

7. A team that does not turn up for play to (10) minutes after the scheduled time shall be forfeited automatically.

8. A team that is forfeited automatically suspended of the rest of the season.

9. A club cannot drop more than two players into the lower team of that club in any one week.

10. That any player selected to represent PMSA at the National Titles should be levied a fee of Youths 30% and Senior 50%.

11. There shall be a match committee set where necessary.

12. An Independent Appeal Committee shall be set up to hear any appeals. An appeal fee of K25 must be attached (payable to PMSA) and will be refunded if the appeal in successful.

13. If a player officially cautioned or booked there times in the same season, he/she will be suspended for a minimum of one week.

14. A player is who is sent off by the referee is automatically suspended for for a minimum of two weekends.

These was approved and endorsed by the executive committee on 9/8/82 in its meeting No. 26/82.

A. Waho,  
Secretary.





COLLEGE OF EXTERNAL STUDIES

# Going Places

## High School at home - COES helps you with your studies.



COLLEGE OF EXTERNAL STUDIES

No. 11

### ENVIRONMENT

COES HAS ENVIRONMENTAL STUDIES COURSES FOR GRADE 9 AND GRADE 10 STUDENTS.

Last week we looked at one reason

why all of us need . . . . **WATER**

It is because most of our body is water.



Can you think of some OTHER reasons why we need water?

WRITE YOUR ANSWER HERE →

Other reasons why we need water:-

\_\_\_\_\_

\_\_\_\_\_

\_\_\_\_\_



CHECK YOUR ANSWER FROM THOSE GIVEN BELOW.

ANSWER. Some other reasons are:- washing clothes, having a bath, swimming, fishing, sailing, watering the garden, cooking food.



Some societies use a lot of water. Some societies use only a little. This week we learn about the BUSHMEN OF THE KALAHARI DESERT. These people use VERY LITTLE water. No rain falls for 9 months of the year. After rain the people plant a few vegetables, but for most of the year they dig up underground roots for food, and eat lizards, snakes, tortoises, grasshoppers, ants, termites or some larger animals like antelopes. The bushmen are experts at finding underground water, which they suck up through plant stems and store in ostrich egg shells. The Bushmen survive in the desert by using very little water.

NEXT WEEK WE WILL LOOK AT THE USE OF WATER IN SOME MODERN SOCIETIES.




The Bushmen suck up underground water and store it in ostrich egg shells.

There is very little rain in the Kalahari Desert of South Africa.

### CHALLENGES

## BURNING CANDLES

In this challenge you will find out why candles burn. Find some different sized glass jars and a short piece of candle.




Light the candle and put one glass jar upside down over the candle. How long does the candle stay alight? (You could count slowly or look at the seconds on a watch.)

Pick up another jar. Ask a friend to guess how long the candle will stay alight under that jar. If you have many jars you could take turns to guess.

You will soon see that the candle burns longer under big jars.

Try this puzzle:

The candle burned for 10 seconds under jar A. Under the jars write how long the other candles will burn.



WHY DOES IT WORK?

When things burn (candles, wood, kerosene, or anything else) they use a gas in the air called OXYGEN (ox-i-jen). About one fifth of the air is made of oxygen. When all the oxygen in the jar is used up the candle goes out. Big jars hold more oxygen so the candle burns for longer.

If you would like to know more about studying with COES write to:  
The Principal  
College of External Studies  
P.O. Box 500  
Konedobu  
Your name .....  
Address .....  
.....  
.....  
.....

I am interested in enrolling in:  
Grade 7   
Grade 8   
Grade 9   
Grade 10   
(Please tick  one box only)

The answers are upside down at the bottom of the page.

Answers: B - about 5 seconds; C - 10 s, D - 20 s.



# Living and Learning



## ADVERTISEMENTS

DO YOU UNDERSTAND ALL THE ADVERTISING YOU SEE AND READ?

Look at the advertisements. They were in the newspaper.

People put advertisements in the newspaper when they want to sell something.

FROM ONLY  
**K6690**

**MITSUBISHI**  
HEAVY DUTY  
TRUCK

**BUY BIG AT THIS PRICE**

**IOBA** PTY LTD  
And Dealers

This advertisement uses pictures.

This one uses words

**AUTO-POLICE**  
beats the Rascals

At last there's a foolproof system to secure your car against theft. Computerise it with Auto - Police


Each unit comes with its own secret combination and can be installed in your car for just K65.00.

You also see advertisements in shop windows.

**MOMORAS DRESS SHOP**

or hear them on the radio.

Buy NOW, the miracle cleaner. Special offer. K1.50 at the Trade Stores today. The fastest cleaner in town.



Advertisements use special ways of talking to try to make us buy things. Look at this advertisement. What does it do?

It NAMES the object and says what sort of thing it is. It identifies it.

It makes PROMISES about the object. It tells you how good it is. Some times these promises are exaggerated; they are not quite true.

It gives orders. Orders tell us to do something. Sometimes people think they have to follow instructions so they buy the product.

### ABU PUMPS



Water pumps and filters

the **STRONGEST**  
the **CHEAPEST**

Talk to a pump expert today.

Trade enquiries welcome

Here is another advertisement. Can you find the 3 different parts; the name, the promise and the instruction. Draw arrows to show them.

**BETTER RESULTS**  
**EVERY TIME**  
with  
**MOONRAY**  
**APPLIANCES**

Mixers Toasters  
at K41 K29  
from  
**JINGS TRADE STORE**

**ASK OUR MOONRAY**  
**GIRL FOR HER**  
**EXPERT ADVICE**

Better Results Every Time? Is that true?



Look at all these promises

**HUGE SAVINGS!**

**BETTER VALUE!**

**Instant beauty!**

**SLIM as you EAT**

**The TOUGHEST yet.**

I don't know. It's a promise. It might be true. It might not. Advertisers make a lot of promises. They do this to make you buy their goods.



In Papua New Guinea there are no laws about making false promises in advertising. Shops and factories can make promises about their products which might not be true.

So be careful! Don't believe everything you read!

Ask your friends about a product **BEFORE** you buy it.

Make sure it IS "the cheapest and the best."



# Learn with us on NBC



## PROGRAMME 22: "KEEPING STUDENT RECORDS"

(Broadcast on Thursday September 2nd at 6.10 p.m. on RADIO ONE).

In this programme we meet JOHN PICCLES, seen here at his desk. John looks after the work of the College's Provincial Centres, and oversees the running of the College Registry.



This is quite a big part of the College with thousands of records. There are seven clerks working in the Department at the moment.

In this programme you will meet:

DADAMI HERA - who looks after all the student records.

VELYNE PALANGAT - who looks after the student Letters of Attainment.

MOREA KARE - who looks after the COES Provincial Centres outside of Port Moresby.

## PROGRAMME TWENTY-ONE COMPETITION

YOUR NAME \_\_\_\_\_

YOUR ADDRESS \_\_\_\_\_

ARE YOU A COES STUDENT? \_\_\_\_\_

In this programme the staff give you some advice about what you should do when you write to the College. There are eight things they tell you to do, near the end of the programme. What are they? (The first one has been done for you)

1. Always write my name clearly.

2. \_\_\_\_\_

3. \_\_\_\_\_

4. \_\_\_\_\_

5. \_\_\_\_\_

6. \_\_\_\_\_

7. \_\_\_\_\_

8. \_\_\_\_\_

SEND TO RADIO CLUB, COES, BOX 500 KONE DOBU.



Baim  
Nau  
60t

Ogas  
New  
Nation

HAPPY FIFTH BIRTHDAY TO US!

## NOTICE

TEACHERS & BOARDS OF MANAGEMENT OF SCHOOLS



Sets of New Nation (1981) in perfect condition available for school use

Ideal as sets of classroom readers for grades 6-9.

Packed in five sets of twenty copies (100 in all)

Price: K22 per hundred copies delivered to any provincial airport in Papua New Guinea.

K12 per hundred copies ex our warehouse in Poinciana St, Hohola, Port Moresby.

All orders must be accompanied by payment.

Orders with payment should be sent to:

Commercial Manager,  
P.O. Box 1982,  
Boroko. NCD.

Phone enquiries: Janet (25 2304); Teresa (25 2500)



# The Clever Lord



This weeks story comes from Japan.

A certain man came home late one night and found his wife talking with a man. "What a cheeky fellow that is," he thought to himself and entered the house. He struck the man on the back with such a blow that, without meaning to, he killed him. When he looked and saw who it was, he found that it was the master from the village.

The man and his wife wondered what they should do. Finally they decided that it would be best to ask the clever lord for advice, and so they went to ask him.

"All right, all right," said the clever lord; "I will take care of it," and he took the dead master on his back and went to the place where some of the young men of the village were gambling. He stood the dead master up in front of the storm shutters, made a rattling sound, on the the doors, and then fled.

The young men inside said, "Someone is peeking at us," and one of them took a stick and crept outside; then he went up behind the man standing at the window and struck him a good blow. When he did this the body fell with a thud, and all the others came out to see what had happened. When they found that it was the master from the village, they cried, "We have done a terrible thing; we have killed the master!"

They were all very worried. They decided to go and ask the clever lord what they should

do.

The clever lord said, "All right, all right, I will take care of it." This time he carried the dead body to the master's house. He went to the front door and called, "Wife, I've returned now; please open the door."

"You do nothing but play around all night like this; you don't need to come home at all," cried his wife. "Then I will jump in the well and kill myself," said the clever lord, and taking the body, he threw it down the well, then fled.


The wife thought that her husband had thrown himself down the well for sure and cried, "If I had opened the door for you, such a thing as this would not have happened." Finally she decided to go ask the clever lord what to do.

The clever lord said, "I will take care of it for you; don't worry about it at all." He heated up a kettle of water and put the master in a rice steamer; then he steamed him for a while. Next he called a doctor saying, "The master has a very, very bad fever." The doctor came as fast as he could. He felt the master's pulse and said, "It is a pity, but he has died." So, finally, they could have a funeral for him.

The clever lord received all sorts of gifts as payment from everyone he had helped, and so he made great profit from it all.



## TOK PISIN



Maski raitim nabaut. Baim tupela buk ya na yu ken save gut long we long raitim Tok Pisin.

Liklik dikseneri long Tok Pisin

F. Mihalic i raitim K2.00

Stail Buk -

F. Mihalic i raitim K1.00

### Lainim Gut



### Stail Buk bilong Wantok Niuspepa

Frank Mihalic

K1.00

Nem \_\_\_\_\_

P.O. Box \_\_\_\_\_

Taun \_\_\_\_\_

Mani \_\_\_\_\_

Salim i kam long:  
Word Pablising,  
Box 1982,  
BOROKO.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.